


„ხარს ვგეგვარ ნა. ალაღარს, რქით მიწახა ვჩხვერ ვბუბუნებ.  
ღმერთო, სამშობლო მიცოცხლე, მძინარაც იმას ვლულუნებ“



ვაჟა

# თავისუფლება

825 1/2  
1978



საქართველოს განთავისუფლებისათვის მიბრძოლთა ორგანო

გამოცემის პასუხისმგებელი : გიორგი წერეთელი.

## TAVISSOUPLEBISS TRIBOUNA

Journal périodique en langue géorgienne

№21      PARIS      MAI      1978      მაისი      პარიზი      №21

### შინაარსი

- . 2 გაზაფხულის ზეიმი
- . 3 60 წლის წინად
- . 7 საქართველოს დამოუკიდებლობის გამოცხადების მოგონება
- . 9 მანიფესტაციები თბილისში ქართული ენის დასაცავად
- . 11 ბრენევის კონსტიტუცია
- . 12 ქართული თვითგამოცემა და მათი ავტორები (დასასრული)
- . 13 მოკლედ დიდ ამბებზე
- . 18 იური ორლოვის გასამართლება
- . 19 ზვიად გამსახურდიას და მერაბ კოსტავას „გასამართლება“
- . 21 გენერალ გრიგორენკოს განცხადება
- . 22 საქართველო - შემდეგ აფხაზეთი
- . 24 შვედი მონადირე ბუნება  
სამგლოვიარო განცხადებები  
თავისუფლების ტრიბუნის ფონდი  
საქართველოს დამოუკიდებლობის 60 წლისთავი პარიზში

*Djobadze's  
Library*

ნიკოლოზ ურუშაძე

გ. ქალელი  
გ. წერეთელი  
რედაქტორი

გ. ქართველი

მ. განუორებული  
მ. ქავთარაძე



გ ა ზ ა რ ტ ზ უ ლ ი ს ზ ე ი მ ი

ჩვენს მკითხველებს მთელ ქართველობას გილოცავთ სამ დიდებულ დღესასწაულს: იესო ქრისტეს მკვდრეთით აღდგომას შრომის ზეიმს-პირველმაისობას, ჩვენს ეროვნულ დღესასწაულს-ოცდაექვსმაისობას.

ქართული ხალხი წელსაც ხელფეხშებოქილი ხვდება ამ იშვიათ თარიღებს. თუმცა სულ სხვადასხვა ხასიათის არიან, მაგრამ არცერთი ამ დღესასწაულთაგანი არ შეუძლია მის ნებაზედ იზივმოს, განიცადოს და გამოამჟღავნოს. პირველმაისობას საბჭოები თითქოს დიდი რიხით ზეიმობენ, მაგრამ აქაც საქმე გვაქვს უზარმაზარ ყალბაბანდობასთან, კაცობრიობის მისტიფიკაციასთან. მშრომელი ხალხი ისევე ლაგამამოდებულია და უუფლებო როგორც ინტელიგენცია და გაძარცვული ბრძოლით მოპოებულნი ყველა უფლებებისაგან. ახა, გაბედონ თბილისის მუშებმა და ხელფასის მომატების მოთხოვნებით გამოვიდნენ თბილისის ქუჩებში! მაშინათვე სპეციალურ საგაიეთებში უკრავენ თავს.

მიუხედავად ასეთი შევიწროებისა, ქართველი ხალხი გულხელდაკრებილი არ ზის. იღწვის, იბრძვის და ზოგიერთ მიღწევებითაც ეგებება ამ ძვირფას დღესასწაულებს. ამ მიღწევებიდან განსაკუთრებით გამოირჩევა დედაენისათვის გაწეული დროული, მიზანშეწონილი შესაფერისი და წარმატებით დაგვირგვინებული ბრძოლა. ფაქტი თბილისის თოთხმეტ აპრილის მანიფესტაციებისა, მისი მშვიდობიანი მაგრამ მტკიცე გადაწყვეტილების ხასიათი უეჭველად მოწმობს საქართველოს დღევანდელი ახალგაზრდობის დიდ პოლიტიკურ სიმწიფეს.

აღვნიშნავთ და ხაზს ვუსვამთ რა ამ უეჭველ წარმატებას, არ შეიძლება არ დავინახოთ, რომ ეს წარმატება სრული და საბოლოო არ არის, რომ ქართული ენისათვის წარმოებულ იმი მოგებული არ არის. მტერმა ტაქტიკური მოსაზრებით უკან დაიხია, მაგრამ თავის მზაკვრულ განზრახვაზე ხელი როდი აუღია. სხვაც რომ არა იყოს რა, ამას ცხადად მოწმობს მიღებული კონსტიტუციის სადავო 75-ე კარის განგებ გაურკვეველი შინაარსი. კრემლის მთავრობას და მის აგენტებს საქართველოში ხელი არ აუღიათ თავიანთ კრიმინალურ გადაწყვეტილებაზე: მიადწიონ ქართველი ხალხის ასიმილაციას, ქართული სისხლის, ქართული სულის, ქართული ენის გარუსებას. ერთი წუთითაც ეს ქეშმარიტება მხედველობიდან არუნდა იქნეს გაშვებული. თავი არუნდა მიეცეს ნებიერობას, უზრუნველობას. ყოველდღიური ბრძოლი უნდა იქნეს მიღწეული, რათა კონსტიტუციაში ჩაწერილი სიტყვები: „საქართველოს ს.ს.რ-ის სახელმწიფო ენა არის ქართული ენა“ მკვდარ ასოებად არ დარჩნენ, არამედ ხორცი შეისხნან და საქართველოს სახელმწიფო საზღვრებში მცხოვრებ ყველა მოქალაქისათვის ქართული ენა გახდეს ერთადერთი საერთო ენა შრომაში და ურთიერთ დამოკიდებულებაში და არა რუსული ენა.

ძალიან ძნელი დასაჯერებელია, რომ ამის განხორციელება შეიძლებოდეს დღევანდელ პირობებში-კრემლისგან დამორჩილების პირობებში. ქართულმა მოდგამმა, ქართულმა ცივილიზაციამ, ქართულმა ენამ, რომ სრული და ჰარმონიული განვითარება შეძლოს, აუცლელად საჭიროა თავი დააღწიოს რუსულ შემხუთავ გარემოცვას, აღადგინოს დამოუკიდებელი სუვერენული სახელმწიფო. ამიტომ, ყოველმა ქართველმა გულში ხატად უნდა ჩაისვენოს 26 მაისი, რადგანაც იგია ახალი საქართველოს თვითხელმწიფების სიმბოლო.

ბევრმა ქართველმა ახალგაზრდამ იქნება არც კი იცოდეს ამ თარიღის ნამდვილი ბუნება და ხასიათი, საბჭ. საოკუპაციო ხელისუფლება ამ სამოცი წლის განმავლობაში ხომ გაშმაგებით ცდილობს მომსწრე თაობის მეხსიერებიდან ამოძიარკოს დამოუკიდებლობის დროინდელი მოგონებები, ხოლო ახალ თაობებს მის კარიკატურებს სთავაზობს.

უფროსი თაობის ვალაა მტრის რისხვას არ შეუშინდეს და დღევანდელ ქართველ ახალგაზრდობას გადაცეს უტყუარი ამბები 1918 წლის 26 მაისის შესახებ.

რუსეთის თებერვლის დიდი რევოლუციის შემდეგ სულ სხვაგვარად წარიმართა პოლიტიკური მდგომარეობა ამ კავკასიაში და კერძოდ საქართველოში. თუმცა ძილისშიაც სტრუქტურა შეიქმნენ მუშათა და ჯარისკაცთა საბჭოები, მაგრამ მათში ბოლშევიკებმა ვერავითარი როლი ვერ ითამაშეს. თბილისის მუშათა დეპუტატების საბჭოები მთლიანად ქართველი სოც. დემოკრატიის-მენშევიკების ხელში აღმოჩნდა, მისი თავმჯდომარე კი იყო ნოე ჟორდანიანი. შემდეგ ამის შეუერთდა ჯარისკაცთა დეპუტატების საბჭო და მუშათა და ჯარისკაცთა გაერთიანებულ საბჭოების თავმჯდომარე იგივე ნოე ჟორდანიანი გახლდათ. იგივე ნოე ჟორდანიანი იქნა არჩეული პრეზიდიუმის თავმჯდომარედ როცა, უფრო მოგვიანებით, რუსეთში მომხდარ ბოლშევიკურ გადატრიალების შემდეგ, საქართველოს ყველა პარტიების და საზოგადოებრივ ორგანიზაციების წარმომადგენლებისაგან შეიქმნა საქართველოს ეროვნული საბჭო.

სრულიად რუსეთის დროებითმა მთავრობამ შექმნა ამ კავკასიის კომისარიატი. მისი თავმჯდომარე იყო რუსი ხარლამოვი. წევრები: აკაკი ჩხენკელი და კიტა აბაშიძე საქართველიდან, პაპაჯანოვი სომხებიდან და ჯაფარივი აზერბაიჯანელებიდან. ოზაკომი, როგორც მას უწოდებდნენ, არ სარგებლობდა დიდი ავტორიტეტით, რადგანაც მის განკარგულებაში არ იყო არც ჯარი, არც პოლიცია. როცა თანდათან უწყისივინა გამარჯვდა თბილისის მუშათა საბჭოებთან შეიქმნა მუშათა მილიციები წესრიგის დასამყარებლად. იგივე ამბავი მოხდა შემდეგ პროვინციებშიაც. განსაკუთრებით მას შემდეგ რაც მუშათა გვარდიის მოხალისეებმა ხელში ჩაიგდეს თბილისის არსენალი და იქ არსებული იარაღი, ძალაუფლება ბუნებრივად გადავიდა მუშათა დეპუტატების საბჭოს ხელში. თვით აწ განსვენებულ ნოე ჟორდანიანს თქმით(ჩემი წარსული), როცა თბილისის სოც. დემ. მუშათა პარტიის ცენტრ. კომიტეტში მიიღებდნენ რაიმე გადაწყვეტილებას ის უცვლელად ტარდებოდა შემდეგ, როგორც თბილისის მუშათა დეპუტატების საბჭოში, ისე მუშათა და ჯარისკაცთა საბჭოში, საქართველოს მუშათა და ჯარისკაცთა დეპუტატების საბჭოში და თვით ამიერკავკასიისაშიც. ეს იმიტომ, რომ მთავარ ხერხემალს ყველა ამ საბჭოებისა ერთიადიგივე ქართველი მენშევიკები წარმოადგენდნენ.

რუსეთში ბოლშევიკურ გადატრიალებამდე, ამ პარტიის გადაწყვეტილება იყო კავკასიის ყველა არსებულ დაწესებულებაში შეჭრა და დაპატრონება, კავკასიაში პარტიის მინიმუმის ცხოვრებაში გატარება. რუსეთის დამფუძნებელ კრების საშუალებით გამოირკვევა შემდეგი სახელმწიფოებრივი სტრუქტურისა. პეტროგრადში მომხდარმა ბოლშევიკების გადატრიალებამ ყველაფერი ყირაშლა დააყარა. კავკასიისათვის მიუღებელი შეიქმნა ბოლშევიკური დიქტატურა დაცხადი გახდა, რომ საქართველოს თავის თავისათვის თავად უნდა მოეყოლა. გადაწყდა ამიერ კავკასიის სახელმწიფოს ფარგლებში მოქმედება. სქემატიურად, მთავარი მოვლენები ამ დროს შემდეგნაირად წარიმართნენ: **1917 წლის 19** ნოემბერს თბილისში შეიკრიბა ყველა ქართული პარტიების და საზოგადო. ეროვნული ორგანიზაციების წარმომადგენლების ეროვნული ყრილობა, რომელმაც აირჩია თავისი ეროვნული საბჭო, საბჭოს აღმასრულებელი კომიტეტი და კომიტეტის პრეზიდიუმი ნოე ჟორდანიანს თავმჯდომარეობით. ეს იყო უმნიშვნელოვანესი მოვლენა საქართველოს სახელმწიფოს აჯღენის გზაზე. ეროვნული საბჭოს შემადგენლობა ასეთი იყო: **36** სოც. დემოკრატი, **10** სოც. ფედერალისტი, **10** სოც. რევოლუციონერი და **9** ნაც. დემოკრატი. იმავე წლის თორმეტ დეკემბერს, მოხალისე მუშათა რაზმმა, რომელიც თბილისის მუშათა დემ. საბჭოს ემორჩილებოდა, საარაქო გამებდომობით აიღო თბილისის არსენალი და იქ მოპოვებული იარაღით საფუძველი ჩაუყარა ქართულ სახალხო გვარდიას. **1918 წლის 21** იანვარს საფუძველი ჩაეყარა თბილისის ქართულ უნიფერსიტეტს.

ხოლო **12** მარტს **1917** წელში ივერიის ქრისტიანულმა ეკლესიამ საზეიმო ვითარებაში გამოაცხადა ავტოკეფალია(დამოუკიდებლობა). ეს მეორე ნიშანსცემა იყო საქართველოს თვითხელმწიფების აღდგენის გზაზე. **1918** წლის ათ თებერვალს მოწვეულიყო ამიერკავკასიის სეიმი, რომელიც შედგებოდა აზერბაიჯანის, სომხეთის, კავკასიის მთის და საქართველოს წარმომადგენლობისაგან. სეიმმა აირჩია ამიერკავკასიის მთავრობა. მარტის დამდეგს, ქალაქ ბრესტ-ლიტოვსკში, ლენინის რუსეთის წარმომადგენლებმა, რომელსაც ლეონ ტროცკი მეთაურობდა, გერმანიისთან და თურქეთთან სამარცხვინო სეპარატიული ზავი დადვა. ამ ხელშეკრულების მტკედით სხვადასმორის თურქეთს ეთმობოდა ქართული მიწაწყალი- ყარსის, არ-



თენის და ბათუმის ოლქები, როცა თურქეთის მთავრობამ ბრესტ-ლიტოვსკის ხელშეკრულების განაღდება მოითხოვა, ამიერკავკასიის მთავრობის სახელით ევგენი გეგეჭკორმა ენერგიულად პროტესტით უარი შეუთვალა. თურქეთის განთქმულ დიპლომატიას არ გაჰირებებია ამიერკავკასიის მთავრობის სუსტი საერთაშორისო უფლებების მითითება. ამიერკავკასია თუ ძველებურად არჩობდა რუსეთის ფარგლებში, უსიტყვოდ უნდა შეერტლებია საბჭოთა რუსეთის მიერ ნაკონი საერთაშორისო ვალდებულებები, თუ არადა დაუყოვნებლივ უნდა გამოეცხადებულყო ამიერკავკასიის დამოუკიდებლობა. დამოუკიდებლობის პრინციპი როდი იწვევდა დავას, არამედ ზოგიერთ პასუხისმგებელ მოღვაწეს აფიქრებდა სწორედ თურქეთის განზრახვები ამ დამოუკიდებელი კავკასიის მიმართ. მოსალოდნელი იყო, რომ თურქეთი ისარგებლებდა ჯერ კიდევ მოუმაგრებელ კავკასიის დამოუკიდებლობით და შეეცდებოდა მის სამხედრო ოკუპაციას. ამ უკანასკნელ შეხედულებას იცადა აგრეთვე ნოე ყორღანიასვიმიში გამართულ კამათის შემდეგ ხმათა დიდი უმრავლესობით გადაწყდა დამოუკიდებლობის დაუყოვნებლივ გამოცხადება. ამიერკავკასიის დამოუკიდებლობა ოფიციალურად გამოცხადდა 1918 წლის 9 აპრის.

თურქეთმა არ მიიღო ამიერკავკასიის საზავო წინადადებები და მისი ჯარები ყოველი მიმართულებით შემოასია, რომელიც ბრესტ-ლიტოვსკით დათმობილი ტერიტორიას აღარ დასჯერად, დაბიჯრო სომხეთის ნახევარზე მეტი, მთელი აზერბაიჯანი, ბათუმი, ქალაქი ოზურგეთი, ახალციხე და ახალქალაქი. ამ ომით აშკარად გამოემდგინა, რომ საგარეო ორიენტაციის საკითხში არ არსებობდა სოლიდარობა კავკასიის შემადგენელ ერებს შორის. მაშინ როცა ქართველები და სომხები სასტიკად ებრძოდნენ თურქების კავკასიაში გაბატონებას, აზერბაიჯანელი მუსავატლები აშკარად მათ სასარგებლოდ მოქმედებდნენ. მცირე და მოუმზადებელმა ქართულმა მხედრობამ მიანიც ფიცხელი წინააღმდეგობა გაუწია შემოსულ მტერს და ბათუმებისა და მოლაპარაკების სურვილი შეაუნერგა. თურქეთთან წარმოებულ ამ ომში განსაკუთრებით თავი ისახელეს და ქართველი ერის საერთო მადლობა დაიმსახურეს, ამის შემდეგ პირველი ეროვნული გმირის, ვალოდია გოგუაძის ჯავშნოსანმა მატარებელმა და სულ ახლად შემდგარმა ქართველ ოფიცერთა ბატალიონმა. ტრაპიზონიდან საზავო კონფერენციამ ბათუმში გადმოიწვლა. კავკასიის მხრიდან იქ წარმოდგენილი იყო შერეული დეკლარაცია შემადგენელ ერების წარმომადგენლების. დეკლარაციის თავმჯდომარე იყო აკაკი ჩხენკელი. ბათუმში, მდგომარეობის გასაცნობად გაიწვიეს ნოე ყორღანია. აშკარად დადასტურდა რა საზავო დეკლარაციაში შეურთებელი პოზიციები საგარეო ორიენტაციის დარგში, საქართველოს წარმომადგენლები მივდენ იმ დასკვნამდე, რომ შექმნილი ვითარებაში ერთობლივი გამოსავალი იყო კავკასიის სეიმი და შერეული ერთად დამოუკიდებელი სახელმწიფოების შექმნა. 22 მაისს ბათუმიდან თბილისში დაბრუნდა ნოე ყორღანია სწორედ ასეთ გადაწყვეტილებით. მან დაუყოვნებლივ შეკრიბა თბილისის სოც. დემ. პარტიის ცენტრალური კომიტეტის და პარტიის აქტივის კრება, გააკეთა ინფორმაცია და წამოაყენა დამოუკიდებლობის დაუყოვნებლივ გამოცხადების წინადადება. კრებამ, აზრთა ფართო გაცვლა-გამოცვლის შემდეგ მოიწონა მისი თავმჯდომარის წინადადება, დაავალა ნ. ყორღანიას ამ საკითხის დასმა საქ. ერ. საბჭოს წინაშე. ამავე კრებაზე გამოიყო ორატორები, რომლებსაც უნდა განემართათ ეს გადაწყვეტილება პარტიის ადგილობრივ ოგანზაციებისათვის და საერთოდ საქართველოს მოსახლეობისათვის.

25 მაისს შეიკრიბა საქართველოს ეროვნული საბჭო. მან მოისმინა ნოე ყორღანიას მოხსენება, მოხდა აზრთა ამომწურავი გაცვლა-გამოცვლა, ფართული კენჭისყრით ერთხმად დაადგინა მეორე დღეს საჯაროდ გამოცხადებულყო საქართველოს სახელმწიფოს დამოუკიდებლობა. ეს იყო დამაგვირგვინებელი ნაბიჯი 117 წლის განმავლობაში რუსეთის მიერ მოშლილ საქართველოს სახელმწიფოს მკვდრებით აღდგომისა. ამავე კრებამ გამოყო დამოუკიდებლობის აქტის პროექტის შემდგენი კომისია. ასევე სახელმწიფოს დროშის და ღერბის. ვფიქრობ საინტერესო იქნება აქ მოვიყვანოთ აწ განსვენებულ რაედენ არსენიძის მოგონება, რომელიც იყო იმ კომისიის წევრი:

„25 მაისს 1918 წელს, ეროვნულმა საბჭომ, რომელიც საქ. ყველა პარტიების, თვითმართვლობების, კულტურული და საზოგადოებრივი ორგანიზაციების წარმომადგენლებისაგან იყო შექმნილი, დაადგინა: გამოაცხადოს საქართველოს დამოუკიდებლობა, გაიჩინოს საკუთარი მართველობა, რომ მტერს და მოყვარეს გასცეს პასუხი. ამ მიზნით მან გამოყო საკანონმდ-

ბლო კომისია, რომელსაც დაავალა დამოუკიდებლობის აქტის პროექტის დამუშავება, ისევე როგორც სია შეიკრიბა იმავე დღეს, ნაშუადღევს დაიწყო მუშაობა. ვჩქარობთ, რადგან ხვალ, ცხელია ოგნული საბჭოს სხდომა, რომელმაც თავს იღვა ამ ისტორიულ აქტის შესრულება. ვჩქარობთ, მაგრამ არც ის შეიძლება, რომ აქტი არ იყოს მოფიჭრებული, სერიოზული, ღირსი თავის დიად დანიშნულების; გასაკეთებელი კი ბევრია. საჭიროა გამოინახოს ძირითადი მოტივები რუსეთიდან გამოყოფის, აუცილებელია აქტი შეიცავდეს არსებით პრინციპებს, რომლებზედაც ექნა აგებული ახალი სახელმწიფო ქართველი ხალხისა; უნდა აღინიშნოს, რომ უფლებები ახალ დაბადებულ სახელმწიფოს მოქალაქის. უყურადღებოდ ვერ დავტოვებთ იმ ეროვნულ უმცირესობათა უფლებებს, რომლებსაც ჩვენი რესპუბლიკის ფარგლებში ცხოვრობენ. და ყოველივე ეს უნდა ითქვას მოკლედ, მოკრით, მკაფიოდ. ამიტომ თითოეული სიტყვა იწვევს დავას, კამათს, აზრთა შეჯახებას; ყოველი ფრაზა ყალიბდება დიდი გულმოღვინებით. ბოლოს ბრძოლა და ჯახი თავდება მორიგებით, ერთსლოვნებით. რაც მიღებულია მიღებულია ყველასაგან. განხეთქილებას და ვერანაკლებობასაქ, ამ დიდ და გადამწყვეტ მომენტში, არ უნდა დაურჩეს ადგილი! ამას ვგრძნობთ ყველა, თუმცა ეს ჩვენთვის არავის უყარნახებია... ვიბრძვი და ვჩქარობთ, რადგან ოტომანის პორტასაგან 72 საათის ულტიმატუმი გვაქვს წამოყენებული, რომელსაც ხვალ სადამოწმე გაუდის ვადა. ამიერკავკასიის წინააღმდეგობის და პასუხის გაემის უნარი აღარ აქვს: ოტომანის იმპერია კი იარაღი გვადგია თავზე. სამარცხვინო ბრესტ-ლიტოვსკის ზავით და რუსის ჯარის დაშლით გათამამებული! - ყარსის ბათუმის, არღანის ოლქების ჩამოცილებით გვემუქრება... ვერ დავგისრულებთა შრომა, ვიკრიბებით ნავახშმევს და ისევ ვმსჯელობთ, ისევ ტექსტის ყოველ აზრს ჩავიკრიკებთ; ხოლო ერ. საბჭოს ბიურო, მისი პრეზიდიუმი გვიცდის, ელის ჩვენგან შემუშავებულ პროექტს, რომ საბოლოო ტექსტი მიიღოს და ხვალ საბჭოს წინაშე წარადგინოს. შუალამეუ ვამთავრებთ პროექტის დამუშავებას და მაშინვე ორი წვერი - გიორგი გვაზავა და პავლე საყვარელიძე- მიეშურებიან საბჭოს ბიუროს სხდომაზე. ნაშუადღევს ბიურო იღებს, ზოგიერთი შესწორებებით, საბოლოო რედაქციას.“

ინტერესს არ იქნება მოკლებული აქვე მოვიყვანოთ ამ მომენტის შესახებ პრეზიდენტ ნოე ყორღანის მოგონება:  
 „საჭირო იყო დამოუკიდებლობის აქტის შედგენა და მიღება საბჭოში. გამოყვევით კომისია ჩემთან ერთად სამუშაოდ ამ საკითხში. მე ვსთხოვე კომისიის წევრს გ. გვაზავას შეედგინა პროექტი, როგორც იურიუსტს და მოეტანა ჩემთვის. მან შეადგინა, წავიკითხე, გავოცდი. სწორ, ნაციონალურ დებულებათა გვერდით იყო წამოყენებული სოციალური რეფორმების დებულებები: რვა საათის სამუშაოდ დღე, მამულების კონფისკაცია და სხვა. საჭირო იყო ერთი ყველა ქართველისათვის მისაღები ნაციონალური პლატფორმა, საიდანაც უნდა გამოირიყხოს ყველა გამოთქვები ელემენტები. ამ აზრის თანახმად შევესწორე პროექტს, ამოვაცადე იქიდან ყველა კლასიური ხასიათის მუხლები, დავტოვე შესწორებით მხოლოდ ნაციონალურ - პოლიტიკური ხასიათის. ასე შესწორებული წაუტოხე კომისიას. გიორგის ხმა არ ამოუღია, მაზე დავინახე განცდიერების და კმაყოფილების ბეჭეტი. ალბათ ფიქრობდა - ეს საციმბირო რევოლუციონერი ჩემზე უფრო ზომიერი აღმოჩნდაო. არ გაემტყუნება. რას გვიცნობა.“

26 მაისს, დღით შედგა ამიერკავკასიის სეიმის სხდომა. სოც. დემ. პარტიის წარმომადგენლების ფრაქციის თავმჯდომარემ-ირაკლი წერეთელმა გააკეთა მოხსენება შექმნილ მდგომარეობაზე, რომელშიაც მან დაასაბუთა სეიმის დაშლს საჭიროებადა საქართველოს დამოუკიდებელ სახელმწიფოს დაუყოვნებლად აღდგენის საჭიროება. თავის სიტყვაში ორატორმა სხვათაშორის თქვა:  
 „შექმნილ მდგომარეობა გვეალებს ქართველ ხალხს ვუთხრათ, რომ ის მარტო დარჩა დათუ უნდა გადაირჩინოს თავი, დაუყოვნებლივ უნდა გამოაცხადოს დამოუკიდებლობა და შექმნას თავისი სახელმწიფო ორგანო.“

ირ. წერეთლის სიტყვის ირგვლივ გაიმართა ცხოველი კამათი, რაც დამთავრდა სეიმის დაშლის რეზოლუციით. იმის გრება დამთავრდა ნაშუადღევის სამ საათზე.

მთავრობის სასახლის იმავე თეატარბაზში, ნაშუადღევს 4 ს. და30 წუთზე გახსნა საქართველოს ეროვნული საბჭოს ისტორიული კრება, რომელსაც ნოე ყორღანიამ, სახეი-მო ვითარებაში წაუტოხა საქ. დამოუკიდებელ სახელმწიფოს აღდგენის აქტი :



**დამოუკიდებლობის აქტი**

მრავალ საუკუნეთა განმავლობაში საქართველო არსებობდა, როგორც დამოუკიდებელი სახელმწიფო.

მეთვრამეტე საუკუნის დასასრულს, ყოველ მხრივ მტრისაგან შევიწროებული საქართველო თვისი ნებით შეუერთდა რუსეთს იმ პირობით, რომ რუსეთი ვალდებული იყო საქართველო გარეშე მტრისაგან დაეცვა.

რუსეთის დიდი რევოლუციის მსვლელობამ რუსეთში ისეთი შინაგანი წყობილება შექმნა, რომ მთელი საომარი ფრონტი სრულიად დაიშალა და რუსის ჯარმაც დასტოვა ამიერკავკასია.

დარჩენენ-რა თავისი ძალღონის ამარად, საქართველომ და მასთან ერთად ამიერკავკასიამ თვით იღვეს თავსა საკუთარი საქმეების გაძღოლა და პატრონობა და შესაფერი ორგანოებიც შექმნეს; მაგრამ გარეშე ძალების გავლენით ამიერკავკასიის ერთა შემეპირებელი კავშირი დაირღვა და მით ამიერკავკასიის პოლიტიკური მთლიანობაც დაიშალა.

ქართველი ერის დღევანდელი მდგომარეობა აუცილებლად მოითხოვს, რომ საქართველომ საკუთარი სახელმწიფოებრივი ორგანიზაცია შექმნას, მისი საშუალებით გარეშე ძალის მიერ დაპყრობილი თავი გადაიჩინოს და დამოუკიდებელი განვითარების მტკიცე საფუძველი ააგოს.

ამისდა თანახმად საქ. ეროვნული საბჭო, 1917 წელს, 22 ნოემბერს არჩეული საქ. ეროვნული ყრილობის მიერ ღლეს აცხადებს :

1. ამიერიდან საქართველოს ხალხი სუვერენულ უფლებათა მატარებელია და საქართველო სრულუფლებიანი დამოუკიდებელი სახელმწიფოა.
2. დამოუკიდებელი საქართველოს პოლიტიკური ფორმა დემოკრატიული რესპუბლიკა არის.
3. საერთაშორისო ომიანობაში საქართველო მუდმივი ნეიტრალური სახელმწიფოა.
4. საქ. დემ. რესპუბლიკას სურს საერთაშორისო ურთიერთობის ყველა წევრთან კეთილმეზობლური განწყობილება დაამყაროს, განსაკუთრებით კი მოსახლერე სახელმწიფოებთან.
5. საქ. დემ. რესპ. თავის საზღვრებში თანასწორად უზრუნველყოფს ყველა მოქალაქის სამოქალაქო და პოლიტიკურ უფლებებს განურჩევლად ეროვნებისა, სარწმუნოებისა, სოც. მდგომარეობისა და სქესისა.
6. საქ. დემ. რესპ. განვითარების თავისუფალ ასპარეზს გაუხსნის მის ტერიტორიაზე მოსახლე ყველა ერს.
7. დამფუძნებელი კრების შეკრებამდე მთელი საქართველოს მართვა-გამგეობას უძღვება ეროვნული საბჭო, რომელიც შეესებულები იქნება ეროვნულ უმცირესობათა წარმომადგენლებით და დროებითი მთავრობა, რომელიც პასუხისმგებელია საბჭოს წინაშე.

**ღერბი და აღამი**


ამავე კრებას მოხსენდა, რომ დამოუკიდებელ საქართველოს რესპუბლიკის დროშად მიღებულ იყოწითელი ფერის ღონზე, წინა კუთხეში შავი და თეთრი ფერები. ხოლო სახელმწიფო ღერბად: მერანზე ამხედრებული თეთრი გიორგი შუბით გვირავს გველეშაპს.

**დამოუკიდებელ საქართველოს პირველი მთავრობა**

ბოლოს, ნოე ყორდანიამ კრებას წაუთხოხდა დამოუკიდებელ საქართველოს მთავრობის სია : მთავრობის თავმჯდომარე და შინაგან საქმეთა მინისტრი - ნოე რამიშვილი, (სოც. დემოკრატი) საგარეო საქმეთა მინისტრი აკაკი ჩხენკელი(სოც. დემ.), სამხედრო მინისტრი გრიგოლ გიორგაძე(სოც. დემ.), მიწაღმომქმედების და შრომის მინისტრი ნოე ზომერაიცი(სოც. დემ.), იუსტიციის მინისტრი შალვა მესხიშვილი(სოც. ფედერალისტი), განათლების მინისტრი გიორგი ლასხიშვილი(სოც. ფედერ.), ფინანსთა მინისტრი კონსტანტინე კანდელაკი(სოც. დემ.), ვაჭრობა-მრეწველობის მინისტრი გიორგი ურუში(ეროვნულ დემ.), გზათა მინისტრი ივანე ლორთქიფანიძე(სოც. რევოლუციონერი).

**მინისტრის ამხანაგები :**

შინაგან საქმეთა კონსტანტინე გვარჯალაძე(ს.დ.), საგარეო საქმეთა ნიკოლოზ ქარცივაძე(ს.დ.), მიწაღმომქმედების და შრომის პ. გელეიშვილი და ი. ფირცხალაიშვილი(ორივე ს. დ.), იუსტიციის გრ. გველესიანი(ს.ფ.), განათლების ალექსანდრე მდგვანი(ს.ფ.), გზათა მინისტრის



ამხანაგი საბაშვილი (ს.რ.), სამხედრო გენერალი გიორგი კვინიტაძე (უპარტო), ვაჭრობა-მრეწველობის გიორგი ნიკოლაძე (უპარტო).

24 ივნისს მთავრობის თავმჯდომარის პოსტზე ნოე რამიშვილი შეცვალა. ნოე რამიშვილი დარჩა შინაგან საქმეთა მინისტრად, სავაჭრო საქმეთა სამინისტრო ჩაბარდა ევგენი გეგეჭკორს, ხოლო აკაკი ჩხენკელი დაინიშნა წარმომადგენლად დასავლეთ ევროპაში.

**სახალხო ზეიმი**

ეროვნული საბჭოს ისტორიული კრება დამთავრდა საღამოს 5 საათზე და 55 წუთზე. მაშინვე ხელში ეროვნული დროშით, სასახლის ბალკონზე გადმოდგა ირაკლი წერეთელი და შეკრებულთ წაუქათხა დამოუკიდებლობის აქტი, მამადავითზე აიჭრა და ზარებმს რეკით ტრიბუნმა ვლასა მგელაძემ ქვეყანას ამცნო საქართველოს სახელმწიფოს მკვდრეთით აღდგომა. მიუხედავად იმისა, რომ ქვეყანა შემოსეულ თურქ ჯარების საფრთხის ქვეშ იდგა, სახალხო ზეიმი გვიან ნაშუაღამევამდე გაგრძელდა.

**26 მაისის მამამთავრები**

სოც. დემოკრატები: ნოე ყორღანია, ირაკლი წერეთელი, კარლო ჩხეიძე, ნოე რამიშვილი, სილოვან ჯიბლაძე, აკაკი ჩხენკელი, ევგენი გეგეჭკორი, ისიდორე რამიშვილი, გრიგოლ გიორგაძე, გრიგოლ ლორთქიფანიძე, ნოე ხომერტიკი, ვალიკო ჯუღელი, კონსტანტინე კანდელაკი, რაფაელ არსენიძე, გრიგოლ ურატაძე, იოსებ ელიგულაშვილი, ბენია ჩხიკვიშვილი, კონსტანტინე გორჯალაძე, პავლე საყვარელიძე, ვლასა მგელაძე, დავით შარაშიძე, ნოე ცინცაძე, ივანე გომართელი, გიორგი ერაძე, გიორგი (გოგიტა) ფაღავა...

სოც. ფედერალისტები: გიორგი ლასხიშვილი, შალვა მესხიშვილი, გრიგოლ გველესიანი, სამსონ ფირცხალავა, გიგო რცხილაძე, სიმონ მდივანი, შალვა ნუცუბიძე, სამსონ აღიანი, ალიოზა წერეთელი...


სოც. რევოლუციონერები: ვლადიმერ გობეჩია, ივანე ლორთქიფანიძე, ლეო შენგელია, საბაშვილი, იოსებ გობეჩია, ვანო გობეჩია...

ეროვნ. დემოკრატები: სპირიდონ კეღია, კონსტანტინე (კოტე) აფხაზი, ექვთიმე თაყაიშვილი, ივანე ჯავახიშვილი, გიორგი გვაზავა, ალექსანდრე ასათიანი, გიორგი ყურული, ნიკო ნიკოლაძე, დავით ვაჩნაძე, რევაზ გაბაშვილი, შალვა ამირჯეიბი, იოსებ მაჭავარიანი, ალექსანდრე ყიფშიძე, მიხეილ მაჩაბელი, დავით კასრაძე და სხვები.

უპარტიოები: გიორგი ნიკოლაძე, გენერალი გიორგი კვინიტაძე და სხვები  
(რედაქციის შენიშვნა: ეს სია ალბათ სრული არ არის, ჩვენ განვებ არავინ გამოგვიტოვებია და თუ უცოდნელობით ვინმე გამოგვჩრა შენდობას ვითხოვთ მათ წინაშე.)

**საქართველოს დამოუკიდებლობის გამოცხადების მოგონება**

1918 წლის გაზაფხულზე ქ. ოზურგეთი და მისი მიდამოები, ხანმოკლე და უთანასწორო ბრძოლების შემდეგ, დაიკავეს ოტომანის ჯარებმა. იმ დროს მე მოხალისე ჯარისკაცი ვიყავი მეთხებ ქვეითა პოლკში. მას მეთაურობდა აქ-ემიგრაციაში გარდაცვლილი პატრიოტი პოლკოვნიკი სვიმონ წერეთელი, რომელიც დაგვიანებით შეცვალა ესერმა პოლკოვნიკმა ბიქტორ ინწყირველმა. ჩემი ასეული სოფელ ბახვში იდგა. პოლკის შტაბი კი ნასაკირალზე, ცნობილ მწერალ ქალის საფო მგელაძის სახლში, რომელიც მდინარე სუფსის ველებს გადაყურებდა. ოჩხამურის ბრძოლისა და ბათუმში საზავო მოლაპარაკების განახლების გამო, ოსმალებს სერიოზულად აღარ უტდიათ წინააღმდეგობა. ჩვენ მოწყვეტილი ვიყავით ქვეყნიერებას. ათასნაირი ხმები დადიოდა. ამიტომ როდესაც შევძლებდი ნასაკირალზე მივდიოდი, ახალი ამბების გასაგებად. ბახვში ერთ დღეს ელვის სისწრაფით ხმა გავრცელდა: ნასაკირალზე ჩვენი პოსტების გვერდით გერმანელი ჯარისკაცები დგანანო. ამან ჩვენში უზომო სიხარული გამოიწვია. ავიღე ნებათვანა დაწვადი ნასაკირალზე, რომ ეს სურათი საკუთარ თვლით მე-



ნახა. მართლაც შორიდანვე შევაჩინე ისინი. შემდეგ სულ ახლოს მივედი. ესენი იყვნენ რუსეთის ტყვეობაში მყოფი ბავარიელი გამხდარი რეზერვისტები. მათი შეიარაღება ოსმალურებს ვერ შესწინებდათ, მაგრამ ჩვენ მიინც ღრმად ვიყავით დარწმუნებული იმ შემთხვევაში, რომ ამერიკიდან ოსმალები ამ საზღვრებს ვერ გადმოლახავდნენ. 1952 წლის ზაფხულში, აწ განსვენებულ გიორგი კერესელიძესთან ერთად, ტივენზეში(ბავარიის ალპებში) ერთ მთაგანს შევხვდით და მან მეტად თბილად მოიგონა ეს ამბები. ნასაკირალზე შევხვდი გენერალ სოსო გედევანიშვილის რაზმის ერთ ნაწილს, რომელიც სოხუმისკენ მიემართებოდა, სადაც ოსმალები ცდილან დესანტი გადაესხათ. ჩემი იქ ყოფნის დროს მდინარე სუფსის მარჯვენა მხარე დაიკავა რუს ესერის, ჩვენი შრომის, ივკოვის ქართულმა ბატალიონმა.

ჩვენ ვიცოდით ზოგადად, თუ რაში მდგომარეობდა ქართველთა მათი ბათონის საზავო მოლაპარაკება და მისი სიძნელებები, რომელთა დაძლევა შეუძლებლად გვეჩვენებოდა. მოუთმენლად მოველოდით მის შედეგებს. ვიცოდით მათი მოთხოვნით სადღური ნატანები მათ განკარგულებაში გადავიდა. იღბა მისის მზიანი იშვიათი კარგი დარები. სოფ. ბახვის ნახევარი მოსახლეობა გახიზნულია. და ასეთ დროს მოდის ცნობა დამოუკიდებლობის გამოცხადების შესახებ. ჩვენს სიხარულს და აღტაცებას საზღვარი არ ჰქონდა. მართალია ვინც მაშინდელ პოლიტიკურ მდგომარეობაში ჩახედული იყო, ამ მოვლენას მოელოდა, მაგრამ თუ გავითვალისწინებთ იმ დიდ წინააღმდეგობას, რომელსაც წინა წლების განმავლობაში ამის აღიარება უწყევდნენ, დამოუკიდებლობის გამოცხადება ხალხისათვის მოულოდნელი იყო. ცხადია ხალხს ესაჭიროებოდა ამ დიდ მოვლენის პოლიტიკური, ყოველმხრივი ახსნა-განმარტება ამის საჭიროებას კარგად გრძნობდა მარგველი სოციალ-დემოკრატიული პარტია და მან მართლაც საამისოდ სათანადო ზომები მიიღო. მათმა ცენტ. კომიტეტმა საქ. ყველა მხარეში დაგზავნა მისი გავლენიანი და პასუხისმგებელი ორატორები. გურიას მოველინენ ანანია სალუქვაძე და ისიდორე რამიშვილი, პირნი მართლაც ამ მიზნისათვის ყველაზე უკეთ გამოსადგინა. ჩოხატურას, ნავაომბრას და ხილისათვის შორის გამოიწვეს შესაფერის ადგილი დიდი მტრისათვის, სადაც თავი მოეყარეს თავისუფალ ზონაში მყოფ ყველა გურულმა ჯარისკაცებმა. ანანია სალუქვაძეს მე ვიცნობდი შორიხლოს. ოზურგეთის მცხოვრებს, ახალთაობის რიგიან და ზომიერ პოლიტიკულად, რომელსაც მისი ამხანაგები პატივისცემით ასხენებდნენ. ომის ხანაშიც, და თუ არ ცვლები მის წინაუც, ის იყო მათი ცენტ. კომიტეტის ორგანოს ედიტორილისტი. ცნობილია იმ ხანებში ქართულ პოლიტპარტიათა შორის სადავოდ და მწვევად იღბა ეროვნული საკითხის პრობლემა. მაშასადამე ჩემთვის საინტერესო იყო თუ როგორ დაასაბუთებდა ის ეროვნულ საკითხში მათ მიერ ეგრე რადიკალურად შეცვლილ პოზიციას. ის არ იყო ისეთი ორატორი, როგორც ეს ჩვენში მაშინ იყო მიღებული. დინჯად მოლაპარაკე, მისი მტკიცების მთავარი დებულება იყო: დადგინდა რა ამიერკავკასიის ერების არასოდარბობის ფაქტი, ქართველ ერს თავის ფიზიკურ გადარჩენისათვის სხვა გზა არ გაჩანდა გარდა საკუთარ დამოუკიდებლობის გამოცხადებისა. ისიდორე რამიშვილს, სახელმწიფო დღეში ყოფილ წევრს, ნაციონალურს, გურიის მოსახლეობა დიდხანია იცნობდა, როგორც თავისუფლების დამცველს და ის მათში დიდი პოპულარობით სარგებლობდა. მისი მიდგომა, ამ ახალ მდგომარეობისადმი სავარძნობლად განსხვავდებოდა ანანია სალუქვაძისაგან. ორატორულ ნიჭით დაჯილდოებული ისიდორე იშველავდა ისტორიულ, პოლიტიკურ და ეკონომიურ ხასიათის საბუთებს. მან დაიპყრო მსმენელთა გული და გონება თავისი დებულებების დასაბუთებით.

მისი სიტყვა გადაიმკრული იყო. ხალხის იმედი, სიხარული და აღტაცება თანდათან მატულობდა და დასასრულს ის იქცა სახალხო ზეიმად. პირადად მე გამონაკლისს არ წარმოვიადგენდი, ასეთი სიხარული და აღტაცება მეორედ არ მიგრძენია 80 წლის განმავლობაში. ხალხმა სრულიად დაივიწყა, რომ გურიის მესამედი კიდევ ოსმალებს რომ ეკავათ. ამ უდიდეს სიხარულთან ერთად, მე მაინც მათკებდა ამ ხალხის სულიერი განწყობილების ასეთი რადიკალური ცვლილება. ერთი წლის წინ ამავე აზრების ქადაგებისათვის ჩვენ, სოც. დედერალისტებს დარბევით გვემუქებოდნენ და ეხლა კი იგივე აზრები საყოველთაო აღიარებად იქცა. ჩვენ ზედნიერი ვიყავით რომ ჩვენს ნატერას, ჩვენს ოცნებას, რომელსაც უხანაქნელი ოცი წლის განმავლობაში ეგრე უანგაროდ და თავდადებულად ვემსახურებოდით, ეხლა ქართველი ერი მთლიანად ოზარებად. ჩვენ, სოც. დედერალისტები, ყოველგვარი უკანა აზრის გარეშე, ურეზერვოდ ჩადექით ქართველი ერის სამსახურში, ახლად ადგენილ სახელმწიფოს დასაფუძნებლად.



1937 წელს, ემიგრაციაში პირველად, ამიერკავკასიის დაშლის, ტრაპიზონის და შემდეგ ბათუმში ქართულ-ოსმალურ კონფერენციის და საქართველოს დამოუკიდებლობის გამოცხადების საკითხებს, ვიქტორ ნოზაძემ უძღვნა თავის ჟურნალ „ქართლოსში“ მთელი რიგი კრიტიკული წერილებისა. მაშინ, ამ ამბების მონაწილე თუ დამსწრე პირები ბატონ ნოზაძეს უსაყვედურებდნენ, რომ ქართული საქმისათვის საზიანოა ასეთი ცნობები გამოქვეყნება. მაშინაც არ ვიზიარებდი ამგვარ შეხედულებას ამ საკითხზე. ეხლა კი, როდესაც ამ ამბების შემდეგ სამოცი წელი გავიდა, ეს ამბები ისტორიის და მისი სამსჯავროს კუთვნილებათა.

ნიკოლოზ ურუშაძე.

### მ ა ნ ი ფ ე ს ტ ა ც ი ე ბ ი თ ბ ი ლ ის შ ი ქ ა რ თ უ ლ ი ე ნ ის დ ა ს ა ც ა ვ ა დ

ნიუ იორკ ტიპის და ფრანს პრესის მოსკოველი კორესპონდენტების ცნობების მიხედვით დასავლეთის თითქმის ყველა პრესის ორგანომ დაბეჭდა ცნობები, რომ პარასკევს 14 აპრლს, თბილისში ადგილი ჰქონდა მასიურ მანფესტაციას (ზოგი ცნობებით ოცი ათას კაცთან, ხოლო სხვა ცნობებით რამოდენიმე ათასი კაცი), მანიფესტაციად დაიწყო უნივერსიტეტთან, მასში უმთავრესად მონაწილეობდნენ სტუდენტები და მასწავლებლებ-პროფესორები. მანფესტანტებმა ჩაიარეს მთავარი ქუჩები და მიადგნენ საქ. კომპარტოს ცენტ. კომიტეტის შენობას, სადაც პირადად ედუარდ შევარდნაძეს გადაეცეს მოთხოვნა, რათა საბჭ. საქ. ახალ კონსტიტუციაში შეტანილი ყოფილიყო, ისევე როგორც წარსულში იყო, რომ: „საქ. ს.ს.რ-ის ოფიციალური ენა არის ქართული ენა.“ შემდეგ მიღებული ცნობების მიხედვით: შევარდნაძე გამოვიდა ბალკონზე მანიფესტანტების დასაწყნარებლად. მან განაცხადა, რომ ახალ კონსტიტუციის პროექტიდან ამ მუხლის ამოღება შეეძლოა იყო და დაპირდა მანიფესტანტებს, რომ მათი მოთხოვნა შესრულებული იქნებოდა.

ჯერ კიდევ მანიფესტაციის დაწყებამდე, უცნობმა პირებმა თბილისიდან ტელეფონით გააფრთხილეს მოსკოვში მყოფი დასავლეთის კორესპონდენტები და აკადემიკოსი ან. სახაროვი. შემდეგ დღეებში თბილისიდან ჩამოსულმა მგზავრებმა უფრო დააზუსტეს ცნობები. მანიფესტაციების მოწვევებს შორის აღსანიშნავია ორი ამერიკელი იურისტი მეტრ მაკე და მეტრ რეიმიან, და ერთიც ფრანგი კათოლიკე ბერი.

სარწმუნო წყაროების მიხედვით, ხელისუფლებამ თბილისში შეიყვანა სამხედრო ნაწილები და ცეცხლისმჭრობელი რაზმების ავტომობილები, მაგრამ დემონსტრაციის სრული მშვიდობიანი ხასიათის გამო რეპრესიებს ადგილი არ ჰქონებია.

ზოგიერთი ცნობების მიხედვით, თბილისის ქუჩებში მეორე დღესაც შეიმჩნეოდა ადამიანთა დიდ-დიდი შეჯგუფებები.

სამაგიეროდ საქ. შინაგან საქმეთა მინისტრმა კეთილადემ, დასავლეთის კორესპონდენტებთან ტელეფონით საუბარში, გადაჭრით უარყო მანიფესტაციის ფაქტი. მან თქვა, რომ ასეთი ცნობა წარმოადგენს პროვოკაციას და რომ პირიქით ქართველი ახალგაზრდობა ზეიმობს ახალ კონსტიტუციის მიღებას.

14 აპრილიდან მოყოლებული, რამოდენიმე დღის განმავლობაში თბილისი და საქართველო მოწყვეტლ იყო გარეშე სამყაროს. 13 და 14 აპრილის გაზეთები დასავლეთში ათი დღის დაგვიანებით მივიღეთ, რაც უდავოდ მოწმობს თბილისის ფოსტის არაჩვეულებრივ მდგომარეობას.

15 აპრილის გაზეთ „კომუნისტში“ დაბეჭდილია ედ. შევარდნაძის მოხსენება წარმოთქმული საქ. უმაღლესი საბჭოს რეგარეშე სესიაზე, სადაც სხვათაშორის იმ ამბობს: „განხილვის დროს დიდი ყურადღება მიიბეზრო პროექტის 75-ე მუხლმა, რომელიც ახალი რედაქციით იყო ჩამოყალიბებული. ჩვენ ბევრი ვიფიქრეთ ამ მუხლის შესახებ, ბევრი ვითათბირეთ; არა ერთი და ორი საგულისხმო წინადადება შემოვიდა ამ საკითხთან დაკავშირებით. ჩვენ ჩავატარეთ საზოგადოებრივი აზრის შესწავლა მუხუბსა, კომუნურენ გლეხობის, ინტელიგენციის წარმომადგენელთა შორის, ჩვენ შევისწავლეთ საზოგადოებრივი აზრი სტუდენტობაში, საერთოდ ახალგაზრდობაში. საქ. კომპარტის ც-ი. კომიტეტი, საკონსულტაციო კომი-



სია, ხელმძღვანელობენ რა მემკვიდრეობითობის პრინციპით და გამოდიოდნენ რა ზოგადობისა და კონსტიტუციის დემოკრატიული ბუნებიდან, ამ სესიისათვის მხარდობის მიხედვით, როგორც, კონსტიტუტის პროექტის საყოველთაო-სახალხო განხილვის შედეგების გათვალისწინებით მივიდნენ იმ დასკვნამდე, რომ მიზანშეწონილია შევიანარჩუნო მოქმედი კონსტიტუციის ცნობილი ფორმულირება, რომელიც ქართულ ენას სახელმწიფო ენად აცხადებს...”

საბოლოოდ ეს 75-ე მუხლი შემდგენიარად იქნა ჩამოყალიბებული „საქართველოს საბჭ. სოც. რესპუბლიკის სახელმწიფო ენა არის ქართული ენა. საქ. სს რესპუბლიკა ახორციელებს სახელმწიფო ზრუნვას ქართული ენის ყოველმხრივი განვითარებაში და უზრუნველყოფს მის ხმარებას სახელმწიფო და საზოგადოებრივ ორგანიზაციებში, კულტურის, განათლებისა და სხვა დაწესებულებებში.

საქართველოს სს რესპუბლიკის ამ ორგანოებსა და დაწესებულებებში უზრუნველყოფილია თავისუფალი ხმარება რუსული და სხვა ენებისა, რომლებითაც მოსახლეობა სარგებლობს. რაიმე პრივილეგია ან შეზღუდვა ამა თუ იმ ენის ხმარებაში არ დაიშვება.“

იგივე მუხლი კონსტიტუციის პროექტში, რომელიც 24 მარტს გამოქვეყნდა, და რომელმაც საპროტესტო დემონსტრაციები გამოიწვია, შემდგენიარად იყო ფორმულირებული:

„საქართველოს სს რესპუბლიკა უზრუნველყოფს ქართული ენის ხმარებას სახელმწიფო და საზოგადოებრივ ორგანოებში, კულტურულ და სხვა დაწესებულებებში და ახორციელებს სახელმწიფო ზრუნვას მისი ყოველმხრივი განვითარებისათვის.

საქ. სს რესპუბლიკის ყველა ამ ორგანოსა და დაწესებულებაში, თანასწორუფლებიანობის საფუძველზე, უზრუნველყოფილია თავისუფალი ხმარება რუსული, აგრეთვე სხვა ენებისა, რომლებითაც მოსახლეობა სარგებლობს. რაიმე პრივილეგიები ან შეზღუდვები ამა თუ იმ ენის ხმარებაში არ დაიშვება.“

კახბა ქალითი, ელუარ შევარდნაძე ფიცავს, რომ ქართველი ხალხის აღზოფოთებამ ქუჩებში გამოსულმა მანფესტანტებმა აძლეს დათმობაზე წასვლიყო, მაგრამ მახათი მეშოკში არ დაიმაღნენ და სხვაც რომ არაფერი ვიცოდეთ, მისი(შევარდნაძის) ზევით მოტანილი კოჭლი დაილექტიკაც საქმარისია, რომ ის კაცმა ტყუილში დაიჭიროს. აშკარაა თბილისის მანიფესტაციების შესახებ დასავლეთში გავრცელებული ხმები სიმართლავა.

ეს მანიფესტაციები და მისი შედეგები ორმაგად საინტერესოა. ჯერ ერთი, ქართული ენის ხმარებას საკითხი მეტად მსიკინეულად დგას ამჟამად საქართველოში და ამ საკითხში ყოველ წარმატებას ან მარცხს დიდი მნიშვნელობა ენიჭება. კონსტიტუტიაში მიღწეული ნაწილობრივი წარმატებაც კი დიდი იმედის მომცემია. დაბოლოს, ის აშკარად მეტყველებს ქართველი ხალხის, მისი ახალგაზრდობის დიდ პოლიტიკურ სიმწიფეს.

შევარდნაძის და მისი ხაზინების ეს დათმობა, საბოლოო გამარჯვებად არ უნდა ჩაითვალოს და თავი უზრუნველობას არ უნდა მიეცეს. პირიქით, საქირთა ეროვნული სიფხიზლის კიდევ მეტად გამახვილება, მითუმეტეს, რომ ახალი კონსტიტუციის შევარდნაძისეული ფორმულირება ქართული ენის გამარჯვებას, მეტი თუ არა, საეკვოდ ხდის.

**საქართველოს სახელმწიფო ენა ქართული ენაა**

მაშასადამე, 75-ე მუხლის შესავალში ნათქვამია: „საქ. სსრ-ს სახელმწიფო ენა არის ქართული ენა“. რას ნიშნავს ეს? ეს ნიშნავს იმას, რომ საქ რესპუბლიკის საზღვრებში მხოლოდ ერთადერთი ენის ცოდნა საავალდებულო და აუცილებელი და ეს ენა არის ქართული ენა. სხვანაირად ეს ნიშნავს, რომ საქ. რესპუბლიკაში სახელმწიფოს და საზოგადოებრივ დაწესებულებებში, ქალაქებისა და სოფლების საწარმოო კოლექტივებში სამუშაო ენა არის ქართული ენა, რესპუბლიკის ფარგლებში მცხოვრებ სხვადასხვა ხალხების ურთიერთობის ენა არის ქართული ენა. ეს ისეთი ქეშმარტებაა, რომ ამაზე დაპარაკი ზოგიერთს შეიძლება ზედმეტადაც მოეჩვენოს, მაგრამ საბჭოების ხელისუფლოა სიტყვება და საქმეებს შორის ხშირად უფსკრულენი არსებობენ, ისინი სიტყვებს განვტე უკარავენ თავიანთ ძირითად მნიშვნელობებს, ან დაპირისპირებულ გამოთქმებით ქმნიან გაურკვევლობას, რომ შემდეგ იცე მოიქცნენ, როგორც ეს მათ ხელს აწყობთ. სწორედ ასეა შედგენილი ეს მუხლი, მისი მეორე ნაწილი ამბობს: „საქ. სსრ-ში უზრუნველყოფილია თავისუფალი ხმარება რუსული და სხვა ენებისა, რომლებითაც მოსახლეობა სარგებლობს. რაიმე პრივილეგია ან შეზღუდვა ამა

თუ იმ ენის ხმარებაში არ დაიშვებაო.“ ცხადია, ეს წინადადება სრულ წინააღმდეგობაშია ამავე მუხლის პირველ წინადადებასთან, რომელიც სამართლიან უპირატესობას ანიჭებს ქართულ ენას. სწორედ ეს იყო მიზანი ახალი კონსტიტუციის: მოსაზება საქართველოში ქართული ენის უპირატესობისა. ქართველების მტკიცე წინააღმდეგობამ ხელისუფლება აიძულა დაეჭმო, მაგრამ იეშმაკა და საკითხი ორჭოფულად დატოვა. ვინ ისარგებლებს კონსტიტუციის ამ ორ-აზროვნებით? ცხადია, ის ვინც იქნება უფრო ძლიერი.

გ - პალეო.

### ბ რ ე ჟ ე ნ ე ი ს კ ო ნ ს ტ ი ტ უ ც ი ა

ისევ და ისევ პროპაგანდა

პროპაგანდა, ეს ალბათ ერთადერთი დარგია, რომელიც განსაკუთრებულად ჰყვავის საბჭოთა კავშირში. საბჭოთა პროპაგანდა თავისი ხელობის ვირტუოზია. მას თვალის დაუხამხამებლად შეუძლია მკვდარი ცოცხლად წარმოადგინოს და მახინჯი სიღამაზის დედოფლად. აბა, რა განსაკვირია თუ ამ პროპაგანდის წყალობით ასეთი გახმანება ხდება წილად საბჭოების ახალ კონსტიტუციას, როგორც შიგნით, ისე საზღვარგარედაც. იენისის დასაწყისიდან მოყოლებული, სამი თვის განმავლობაში, მთელს საბჭოთა სამყაროში გამარჯვების ხმებზე ჩატარდა სემინარები, კრებები, მიტინგები, როლებზედაც ხოტბას ასხამდნენ მსოფლიოში ყველაზე დემოკრატიულ, ყველაზე პროგრესიულ კონსტიტუციას და მის შემოქმედს ლეონიდ ილიას ძე ბრეჟნევს. სინამდვილეში, ამ სამი თვის განმავლობაში, ეს ახალი კონსტიტუცია გახდა მშრომელთა დარაზმვის, მათი უმოწყალო ყველფის კიდევ ერთი მიზეზი და საშუალება.

### კონსტიტუციის სივკარგე

საბჭოთა დიქტატორების მიერ კონსტიტუციის პატივისცემა, მისით ხელმძღვანელობის ამბავი კარგად არის ცნობილი წარსულში. სტალინი სწორედ წინააღმდეგს ჩაღიდა, რაც მის კონსტიტუციაში ეწერა. არც ბრეჟნევიც გამოაჯლისი, ასი ათასობით ციხეებში და საპეციალურ საბაგიეტებში მყოფი უდანაშაულო პატიმრებიც რომ არ ვახსენოთ, კონსტიტუციის მიმართ მის დასახასიათებლად ნიკოლა პოდგორნის ვაჭრობის და მისი თანამდებობის დაკავების მაგალითიც საკმარისია.

ზევიად გამსახურდიას დამცველმა ფრანგმა, ფრანსუა მორტემა, საბჭოების მართლმსაჯულება სავაჭრო მაღაზიის ვიტრინას შეადარა: „სადაც გამოფენილია საუცხოო საქონელი, მაგრამ მისი მსგავსი მაღაზიაში არ მოიპოვება“. დიახ, საბჭოთა მესვეურები საერთაშორისო აზრის მისათყუებლად ცდილობენ საბჭოთა ვიტრინაში გამოფინონ რაც შეიძლება დემოკრატიული, სოციალური და ინტერნაციონალური კონსტიტუცია, ხოლო თვით კი ხელმძღვანელობენ სატანკო დივიზიებით, კაგებებს მუზრებით და გულაგის არქიპელაგებით. საქვეყნოდ ცნობილია, რომ დისიდენტებად წოდებული საბჭოთა მორცხვი ოპოზიციონერები სხვას არაფერს მოითხოვენ, გარდა იმისა რომ საბჭოთა მთავრობა საბჭოთა დაწერილი კანონის მიხედვით მოქმედებდეს. ქვეყნურებად ისიც კარგად უწყის თუ რა გემრიელი ნაჭუქებით უმასპინძლებდა მათ საბჭოური „მართლმსაჯულება“.

თუ ეს ასეა მაშ რაღა მნიშვნელობა აქვს კონსტიტუცია ცუდია თუ კარგი, პროგრესიული თუ რეაქციონური? არაფერი! სრულიადაც არაფერი!

### ჩიტი ბრდღვანდ არ ღირდა

ბრეჟნევის და სტალინის კონსტიტუციების შედარებისას იქმნება შთაბეჭდილება, რომ ისინი ერთმანეთისაგან განსხვავდებიან, მაგრამ ძნელი არ არის აღმოჩენა, რომ განსხვავება უმთავრესად სიტყვებში, ტერმინებში მდგომარეობს, რომ განსხვავება კონსტიტუციის ფორმას ეხება და არა მის შინაარსს. მაგალითად ახალში მუშების და გლეხების დეპუტატთა საბჭოები აღარ იხმარება, არამედ სახალხო დეპუტატთა საბჭოები. პროლეტარიატის დიქტატურაზე ახალში აღარაფერს ამბობენ და სხვა. ძველ კონსტიტუციასთან განსხვავება, რომ უფრო თვალსაჩინო გახალდა, განგებ ახალში მუხლები გადანაცვლებულია და ეს ზოგიერთ შემთხვევაში გვარიანდა. მაგალითად, ძველში კომპარტის ბატონობას განსაზღვრავს 126 მუხლი, მაშინ, როცა ახალ კონსტიტუციაში იგივე ამბავს მეექვსე მუხლი გვამცნობს. ხშირად თვით მუხლებშიაც წინადადებები გადაადგილებულია, ან იგივე აზრი სხვა სიტყვებით არის გამოთქმული.

ასეთ წვრილმანობებს (*mesquinerie*) თუ მხედველობაში არ მივიღებთ, ახალი-ბრეჟნევეური



კონსტიტუცია ტყუპის ცალივით ჰვავს ძველ-სტალინურს. ასეთი მცირე ცვლილებების შეტანა ძველშია შეიძლებოდა და მისი გამოცემა და ამდენი ხმაური, სრულიყოფილად ვერაფერს არ არის. სწორედ ასეთ შემთხვევაზე იმერეთში იტყვიან: ჩიტი ბღღვხად არ ღირს.

**დიამეტრალური წინააღმდეგობა**

მუხლი 2 გვარწმუნებს: „სსრკ-ში მთელი ძალაუფლება ხალხს ეკუთვნის. ხალხი სახელმწიფო ხელისუფლებას ახორციელებს სახალხო დემუტატების საბჭოების მეშვეობით, რომლებიც სსრკ-ის პოლიტიკურ საფუძვლს შეადგენენ. ყველა სხვა სახელმწიფო ორგანო ექვემდებარება სახალხო დემუტატთა საბჭოების კონტროლს და ანგარიშვალდებულია მათ წინაშე.“ კეთილი და პატიოსანი, ამ მუხლს წყალი არ გაუვა, მაგრამ იქვე სულ ახლოს მუხლი 6 ამბობს: „საბჭოთა საზოგადოების ხელმძღვანელი და წარამართველი ძალა, მისი პოლიტიკური სისტემის, სახელმწიფო და საზოგადოებრივი ორგანიზაციების ბირთვია საბჭოთა კავშირის კომუნისტური პარტია. საბჭ. კავშირის კომუნისტური პარტია ხალხისთვის არსებობს და ხალხს ემსახურება. მარქსისტულ-ლენინური მოძღვრებით შეიარაღებული, კომუნისტური პარტია განსაზღვრავს საზოგადოების განვითარების გენერალურ პერსპექტივას, სსრკ-ის საშინაო და საგარეო პოლიტიკის გეზს, ხელმძღვანელობს საბჭოთა ხალხის დიდ აღმშენებლობით საქმიანობას, გეგმავსომიერ, მეცნიერულად დასაბუთებულ ხასიათს ანიჭებს მის ბრძოლას კომუნიზმის გამარჯვებისათვის. ყველა პარტიული ორგანიზაცია მოქმედებს სსრკ-ის კონსტიტუციის ფარგლებში.“

ამ მუხლის კითხვიდან უდავოა, რომ სსრკ-ში მთელი ძალაუფლება ხალხის მიერ არჩეულ დემუტატების საბჭოს კი არ ეკუთვნის, არამედ კომუნისტურ პარტიას. სინამდვილეში, ყველამ იცის, რომ ძალაუფლება არც კომუნისტურ პარტიას ეკუთვნის, არამედ მის ცენტრალურ კომიტეტის პოლიბიუროს, რომლის წევრების შერჩევა განუტყვრეტელი ბურჟუსით არის გარშემორტყმული. მიუხედავად ასეთი რეალური მდგომარეობისა, კონსტიტუციაში დაშვებულმა ასეთმა წინააღმდეგობამ არ შეიძლება მუდმივად იარსებოს, ის უნდა შეიცვალოს ან ერთი ან მეორე მიმართულებით. მართალია კონსტიტუციის ასეთი ორჭოფობა არგია საბჭოთა პროპაგანდას, მაგრამ ამ იარაღის ორივე მხარე მჭერელია და გარკვეულ მომენტში კონსტიტუციის ასეთი ორჭოფობა შეიძლება საბაზო გახდეს საჭოთა რეჟიმის საბედისწერო კრიზისის.

**გ • წერეთელი**

**ქართული თვითგამოცემა და მათი ავტორები**

წინა ნომერში ამ სათაურით მე შესავალი გაეშტეეო საქართველოდან მოსულ თვითგამოცემებს, რომელიც შევებე მათ ავტორებს, ისინი ამავე დროს არიან დღეს საქართველოში ე.წ. დისიდენტები. გამსახურდას და კოსტავას დაბატირების წინ, კაგებემ პრესაში გააჩაღა კამპანია მათ წინააღმდეგ და სხვა ბრალდებათა შორის ისინი დაანაშაულეს საზღვარგარეთ მცხოვრებ პოლ. ემიგრაციისთან ურთიერთობისათვის. მე უკვე აღვნიშნე, რომ როგორც ქართველი პატრიოტები, ჩვენ და მათ შორის უქვევლად არსებობს ურთიერთ სიმპატიები და თანაგრძნობა. ყოველ შემთხვევაში ჩვენი მხრიდან ეს სრულ ქეშმარიტებაა, მაგრამ ეს ხომ არავის შეუძლია მათ უსაყვედუროს? თუ ემიგრაციისთან კავშირის ბრალდებას წუთყენებდნენ, ამაში იგულისხმებოდა, რომ ისინი ასრულებდნენ ანტისაბჭოთა ემიგრაციის დავალებებს თავიანთ საქმიანობაში. მე ჩემს თავს ნება მივეცი და ვთქვი, რომ ასეთი ბრალდება უსაფუძვლო იქნება, რადგანაც ამ უკანასნელ ათ წელიწადში ემიგრაციაში არ არსებობს ისეთი ქართული პარტია ან ორგანიზაცია, რომელიც რაიმე პოლიტიკურ ხასიათის დავალებას მიცემდა საქართველოში მცხოვრებ თანამემამულეს და ყველაზე უკეთ ეს ამბავი კაგებემ უნდა იცოდეს.

ამის გარდა საჭიროა ითქვას შემდეგიც: ადამიანის უფლებებისა და ევროპის უშიშროების კონფერენციის საბოლოო აქტის დამცველებსა და ქართულ ეროვნულ ემიგრაციას შორის პოლიტიკურად მნიშვნელოვანი განსხვავება არსებობს. საბჭოთა ხელისუფლების მიმართ ჩვენი და მათი მიდგომა დიდად განსხვავებულია. ჩვენ გამოვდივართ ერთ ძირითად დასკვნიდან: სრულიად უშიშვლო საბჭოთა რუსეთი თავს დაესხა ჩვენს ქვეყანას, დაღვარა უშიშვლო მამულიშვილების სისხლი, დაიპყრო ქვეყანა და მონად აქცია ქართველობა. ამით მან



ჩაიდინა უპატივებელი დანაშაული. ქართველი ხალხი არასოდეს არ შეირიგებია ამ უსამართლობას, ამ ძალმომრეობას, არც შეიძლება რომ შეურიდდეს. ჩვენი მიზანია სახანაო ტირანიის დამხობა, რადგანაც ვიცით: უამისოდ ჩვენი ქვეყნის ხსნა შეუძლებელია.

გამსახურდია-კოსტავა-არცხილამე და სხვა მათი თანამზრახველები კი იმეორებენ სახაროვის, ტევრდოშლეოვის და ქალიძის ადამიანის უფლებების მოსკოვის კომიტეტის პრინციპებს, რომლებიც არავითარ შემთხვევაში პოლიტიკურ ხასიათს არ ატარებენ, და ამას ისინი თავად ხაზგასმით აღნიშნავენ. ერთი სიტყვით, ისინი არ გამობენ რეჟიმს და ბრძოლას არ უტყაბდებენ მას. ეს თეორია მარტივად ასე გამოითქმება: საბჭოების ტირანიის ბრძოლა კი არ უნდა გამოეცხადოს არამედ დავებმართო სწორ გზიდან გადამცდარი იქნებ ისევ შემოვებრუნოთ, გავეღუბებული პირტუცივის მოსაშინაურებლად შეპარი და დაწრუბუნება უმჯობესიაო. ამის მსგავსი თეორიები წარსულშიაც არაერთი იყო, მაგრამ ამან ხელი ვერ შეუშალა გააფთრებულ ურჩხულს ათეული მილიონობით ადამიანი ემსხვერპლა და თანაც ყველა ის მშვიდობიანი ევოლუციის მქადაგებლებიც მიეყოლება. დღეს-დღეობით მხოლოდ სახაროვი გადაურჩა მის მსახერელ ხელს, მაგრამ მასაც სამში ერთი არ აცდება: ან საჯაროდ მოაწინებენ მის „შეცდომებს“, ან გულსანი არქიპელაგში ამოხდიან სულს, ან არა და, როგორც სოლჟენიცინს, მასაც სამშობლოდან გამოაძევენ.

არ შეიძლება არ დაეთანხმო ხალხის სიბრძნეს: „არ გათვრდება ყორანი რაც უნდა ხეზო ქვიშითაო“. მეელი მგლობას არ მოიშლის და ვინც საწინააღმდეგო იღუბიებს უღვივებს ხალხს, ის მათ ცუდ სამსახურს უწევს.

რედაქტორი

მოკლედ დიდ ამბებზე

საქართველო • 1977 წელი

დადესტანში, ავარეთში, მოხდენილ ვათხრების დროს აღმოჩინეს დიდძალი ქართული მატერიალი. ისინი საშუალო საუკუნოებს განეკუთვნებიან. აღმოჩენილია ქართული ხელნაწერები, ჯგერები, ქრისტიანულ ტაძრების ნანგრევები, ძველი ქართული წარწერები, ქვის და ხის ჩუქურთმები და სხვა.

15 იანვარს ვარდიცვალა ვლადიმერ(ლადო) დავითის-ძე გრიგოლია, გამოჩენილი მხატვარი, რუსთაველის პრემიის ლაურეატი.

იანვარში სახელგანთქმულ მხატვარს ლადო გულდაშვილს 80 წელი შეუსრულდა.

მარტი. საქ. მასწავლებელთა მეოთხე ყრილობა. საქ. განათლების მინისტრმა, ოთარ ქინქლაძემ სხვათაშორის თქვა: „საქ. სულ არის 3855 დაწყებითი, რვაწლიანი, საშუალო ზოგადსაგანმანათლებლო სკოლა, სადაც ერთ მილიონზე მეტი ბავშვი სწავლობს. აქედან, 230 ათასი მოსწავლე მეცადინეობს ავარიულ, სკოლისათვის ყოვლად შეუფერებელ შენობებში. ჩვენი სკოლების 70 პროცენტს არ გააჩნია სპორტიული დარბაზი. სპორტსკოლების 86 პროცენტს კი საერთოდ არ აქვთ სპორტული ბაზა. ბევრ სკოლებში, კერძოდ თბილისის სკოლებშიაც, დიდი სივიწროება. არ არის სასწავლო კაბინეტების მოწყობის ელემენტარული შესაძლებლობები. კიდევ უარევი მდგომარეობაა სოფლად, სადაც ბევრ სკოლას არ გააჩნია ფიზიკის, ქიმიის და ბიოლოგიის კაბინეტები“. მინისტრი დიდი ხნით შეჩერდა მოზარდ თაობის იდურ-პოლიტიკურ აღზრდის, მარქსისტულ-ლენინურ მსოფლმხედველობის და კლასობრივ შეგნების ჩამოყალიბების, საბჭოთა პარტიოტიზმის და ინტერნაციონალიზმის, სოციალისტური სამშობლოს უსაზღვრო სიყვარულის ჩანერგვის საკითხებზე..“

მაისში: მექსიკის საერთაშორისო ფესტივალზე დიდი წარმატება ხვდა წილად რუსთაველის სახელობის თეატრს ქართულმა თეატრმა მექსიკელებს წარმოუდგინა დავით კლდიაშვილის „სამანიშვილის დედინაცვალი“ და ბრუბეტის „კავკასიური ცარცის წრე“.

ივნისი. ქალთა შორის მსოფლიო ჩემპიონმა ჰადრაკში ნონა გაფრინდაშვილმა რუსულად გამოსცა მოგონებების წიგნი, რომელიც შემდეგ ქართულად უთარგმნათ. მაპატიოს შახმატის დედოფალმა, მაგრამ პარტიოტიზმს ვერ მოეუწონებ.



ივნისი. უმაღლეს სასწავლებლებში მიღების დროს აბიტურიენტებს ევალუაბთ სიმშრომით მოწმობასთან ერთად ადმინისტრაციას წარუდგინოს დახასიათება წარმოებიდან ან სკოლიდან აქედან ვეგებულობთ, რომ სამოცი წლის შემდეგ, საბჭოებში კვლავაც დისკრიმინაცია არსებობს უმაღლესი განათლების მიღების დარგში.

გოთრგი ნატროშვილის სიბრძნე: „ინტერნაციონალიზმი და საბჭოთა პატრიოტიზმი ჩვენი საუკუნის, ჩვენი დროის, სოციალისტური რევოლუციის ეპოქის, ოქტომბრის საუკუნის იდეალოვია... მისი სათავე და საწყისები შორეულ წარსულიდან მოდის ეს ფესვები ყოველთვის ისეთი მტკიცე და მძლავრი იყო, რომ მარტო მხატვრულ ქმნილებებში კი არ აისახა, არამედ ისეთ ოფიციალურ მატიაწეშიც, როგორც არის „ქართლის ცხოვრება“. (გაზ. „კომუნისტი“ 5.7.77) იქნებ ზოგიერთი მკითხველი არ იცნობდეს ბატონ გ. ნატროშვილს. იგი გახლავთ საბჭოთა საქართველოს მწერალთა კავშირის ორგანო „მნათობის“ მთავარი რედაქტორი.

ივლისი. ქუთაისში გაიხსნა ოპერის თეატრი. პრემიერად წარმოადგინეს კომპოზიტორ გოთრგი ჩლაიძის ოპერა „დარისპანის გასაქირი“.

ელგუჯა მადრაძეს 50 წლის იუბილე გადაუხადეს. ის გახლავთ „საბჭოთა საქართველოს“ გამოცემლობის დირექტორი. ამ იუბილესთან დაკავშირებით, საქ. მწერალთა კავშირის თავმჯდომარემ, გრ. აბაშიძემ მრავლისმეტყველი სიტყვები მიუძღვნა: „ვისაც გამოცემლობასთან ყოველდღიური ურთიერთობა აქვს კარგად იცის, თუ რა ძნელი კმაყოფილი გყავდეს მწერლობის უდიდესი ნაწილი, როცა საგამონცემლო საშუალებები განსაზღვრულია და ყოველთვის არც საკუთარი გემოვნებისა და შეხედულების მიხედვით მოქმედებისათვის გაქვს ახპარეზი. მაგრამ ასეთ პირობებშიც ელ. მადრაძე ახერხებს ჩვენი ლიტერატურის დაცვას...“

აგვისტოს მეორე შაბათობით ვაჟა ფშაველას სოფელ ჩარგალში ყოველწლიურად იმართება დღესასწაული- ვ ა ჟ ა ო ბ ა .

სექტემბერში ნიუ იორკში გამოვიდა ვეფხისტყაოსნის ახალი პროზაული თარგმანი ინგლისურად, პირდაპირ ქართულ ტექსტიდან თარგმნილი ბატონ რობერტ სტივენსონის მიერ. წიგნს დართული აქვს მთარგმნელის და პროფესორ ალ. ბარამიძის ვრცელი განხილვანი.

**კიდევ ერთი მსხვერპლი**

წვრილმანი სპეკულაციისათვის ქუთაისში დააპატიმრეს სოფ. კულაშში მცხოვრები ებრაელი ისაკ ელაშვილი. გამოძიების დროს ის ისე აწამეს, რომ ცნობა დაჰკარგა და , როცა სავადმყოფოში მიიყვანეს ის უკვე გარდაცვლილი იყო. განსვენებული 23 წლის იყო, დარჩა ახალგაზრდა ცოლი და სამი უსუსური ბავშვი. („ალია საქართველოდან“ 25.11.77.)

**ვეფხისტყაოსანი ინგლისურად**

ნოემბერში ვეფხისტყაოსანის კიდევ ერთი თარგმანი მიიღეს ინგლისური ენის მკითხველებმა. მთარგმნელი გახლავთ პროფ. დევიდ მ. ლანგის მოწაფე ქალბატონი ქეთრინ ვიჯანი. ეს არის ვ.ტ-ის რიგით მეოთხე თარგმანი ინგლისურად, წარმოადგენს თავისუფალ თარგმანას: ზოგი ადგილი შემოკლებულია, ზოგიც განვრცობილი. შესავალი და დაბოლოება შესრულებულია ლექსად, დანარჩენი პროზად. ვ.ტ. პირველად ინგლისურად თარგმნა ქალბატონმა მარჯორი სკოტ უორდროპმა, შემდეგ ზ-მა რობერტ სტივენსონმა, ორივემ პროზად, ხოლო ლექსად გარდათქვა ჭ-მა ვენერა ურუშაძემ.

**ენციკლოპედიკების თათბირი თბილისში**

22 ნოემბერს თბილისში დაიწყო კავკასიის ერების და მათი ხაზინ რუსების ენციკლოპედიკების რედაქციების წარმომადგენლების თათბირი. სოვეტსკაია ენციკლოპედიის სამეცნიერ-

რო-სარედაქციო საბჭოს თავმჯდომარის პირველმა მოადგილემ პროფ. ს. კოვალენკო კეთა მოხსენება: „ენციკლოპედიური გამოცემების იდეურ-თეორიული და მეცნიერებათა ამალღების ამოცანები.“ ენციკლოპედიების გამოშვებულ ტომებში დაშვებული ყოფილა „უზუსტობანი“ და ადგილი ჰქონებია „სინდელეებს“. რუსი უფროსი ძმა დაარიგებს და იქნებ ყურებიც აუწიოს ირაკლი აბაშიძეს და მის რედაქციას.

ირაკლი აბაშიძე: „საბჭოთა კავშირი ერთადერთი სახელმწიფოა, სადაც ადამიანის უფლებები კონსტიტუციაშია ჩაწერილი და საქმიოთაც ხორციელდება.“(„კომუნისტი“ 11.12.77.)

**ილია ვეკუას გარდაცვალება**

ორ დეკემბერს, 70 წლის ასაკი გარდაიცვალა საქართველოს მეცნიერებათა აკადემიის პრეზიდენტი ილია ვეკუა. ექვს დეკემბერს მისი ცხედარი შიაბარეს მთაწმინდის პანთეონს.

**ახალი პრეზიდენტი**

ედუარდ შევარდნაძის წინადადებით, საქ. მეცნიერებათა აკადემიის პრეზიდენტად არჩეულიქნა ეგვენი ხარაძე. ეგვენი ხარაძე იყო საქ. მეც. აკადემიის ვიცე-პრეზიდენტი, ის არის ასტრონომიული მეცნიერების ფუძემდებელი საქართველოში, აბასთუმანის ასტრო-ფიზიკური ობსერვატორიის დირექტორი დღიდან დაარსებისა, თბილისის უნივერსიტეტის ასტრონომიული კათედრის გამგე, წლების განმავლობაში თბილისის უნივერსიტეტის რექტორი და სხვა.

**ნიკო კეცხოველის იუბილე**

დეკემბერში დაბადებიდან 80 წელი შეუსრულდა აკადემიკოს ნიკო კეცხოველს. გამოჩენილი ბოტანიკოსი და საზოგადო მოღვაწე, თბილისის უნივერსიტეტის რექტორი 1945-53 წლებში, ნიკო კეცხოველი ნიჭიერი მწერალა. მის ნაწერებთან განსაკუთრებით აღსანიშნავია „მოზრბის არაგვი არაგვიანი“ და „არსიანიდან მოვდივარ, მომიხარია.“

**ვასილ ამაშუკელის გარდაცვალება**

93 წლის ასაკში გარდაიცვალა საქართველოს კინოს პირენერი ვასილ ამაშუკელი. მისი გაღლებული უკვდავი ფილმი „აკაკის მოგზაურობა რაქა-ლეჩხუმში.“

**ძლიერი მიწისძვრა საქართველოში**

ა.წ. ორ იანვარს, ათ საათზე, 31 წუთზე და 38 წამზე ადგილი ჰქონდა ძლიერ მიწისძვრას, რომლის ეპიცენტრი მდებარეობდა ჯავახეთის ზეგანზე, დმანის-წალკის დასახლებულ რაიონში. 60 კმ. თბილისიდან. მიწისქვეშა ბიძგების სიმძლავრე აღწევდა 6-7 ბალს რიხტერით. ოფიციალური სააგენტოს ცნობით: სრულიად დაინგრა 400 ნაგებობა. მათ შორის ოთხი სკოლა, რაიონული საავადმყოფო; სერიოზულად დაზარალდა 2000 ნაგებობა. მათ შორის, 14 სკოლა, ნაწილობრივ დაზიანდა 5570 ნაგებობა. მათ შორის, ათი საეაქრო მალაზია, ორი კავშირგაბმულობის შენობა, ორი საბჭოთა მეურნეობის ადმინისტრაციის სახლი, ორი „საქსოფლტექნიკის“ შენობა, 55 ბირტუყვის საღომი, 33 საწყობი და სხვა.

ჩვენ გავგაოცა ხელისუფლების გულცივობამ ასეთი დიდი უბედურების მიმართ. არცერთი კორესპონდენცია არ ყოფილა პრესის ფურცლებზე, არავითარი სოლიდარობის გამოვლინებას ადგილი არ ქონებია საკავშირო მაშტაბით, მსოფლიოზე ლაპარაკი ხომ ზედმეტია, მაშინ, როდესაც მსგავსი მოვლენების დროს თურქეთში ირანში თუ სამხრეთ ამერიკაში მთელი მსოფლიო გამოეხმაურება ხოლმე და სერიოზულ დახმარებებსაც უჩენენ დაზიანებულ მოსახლეობას. თუ ეს სოლიდარობა საქართველოსთვის არ არსებობს ამის სრული პასუხისმგებლობა ' საბჭოთა ხელისუფლებას ეკისრება, რომელიც კრძალავს ასეთი ამბების ფართოდ გაშუქებას. მთელი ჩვენი სიმპატიები მიმართულია მშობლიური ჯავახეთის დაზარალებულ მცხოვრებლებისადმი.



საბჭოების შესახებ

ივლისი. ინგლისის კომუნისტური პარტია ორად გაიყო: პრო-საბჭოურად და დამოუკიდებლად.

ჰელსინკის ხელშეკრულების დაცვის მოსკოვის ჯგუფის წევრს მალვა ლანდას მიესაჯა ორი წლით ციმბირში გადასახლება.

შავი ბაზარი

ილია ზემცევი იყო პროფესორი ბაქოს ლენინის სახელობის ინსტიტუტში. 1973 წელში ის გადასახლდა ისრაელში. გასულ წელს ფრანგულმა გამომცემლობამ „აშეტმა“ გამოაქვეყნა მისი წიგნი სათაურით „კორუფცია სსრკ-ში“. ამ წიგნში ავტორი იშვიათი გონებამახვილობით გადმოცემს საბჭოთა კავშირის ყოფას. ავტორის მიხედვით, 50000 მანეთად შეიძლება კაცმა იყიდოს კოლმეურნეობის თავმჯდომარის თანამდებობა. ოფიციალური მონაცემებით ფარული წარმოება, თურმე, უშვებს 28 მილიარდის პროდუქციას მთელ საბჭ. კავშირში, ხოლო ამიერ-კავკასიაში 18 მილიარდისას. აზერბაიჯანის ერთი ფაბრიკა ოფიციალურად ამზადებდა 10000 ქალის კორსაეს, სინამდვილეში კი 100000. ზემცევის მიხედვით, ხელისუფლებამ იცის ეს ამბები, მაგრამ თვალებს ხუჭავს, რადგანაც ეშინია, რომ საქონლის კიდევ უფრო მეტად ნაკლებობამ ხალხი არ ააჯანყოს.

ვასილი კუზნეცოვი

7 ოქტომბერს, სსრკ-ის უმაღლესმა საბჭომ ხელის აწევით ერთხმად მიიღო ახალი კონსტიტუცია და ასევე ერთხმად აირჩია ბრეჟნევის პირველ მოადგილედ ვასილი კუზნეცოვი. ვ. კუზნეცოვს დიდი თანამდებობები ეკავა სტალინის დროს. ჩრუშჩოვის დროს ის ჩამოქვეითდა. ამ უკანასკნელ წლებში მისი ვარსკვლავი კვლავ დიდი სისწრაფით მიიწვეს მაღლა. ამბობენ, თავდაცვის მინისტრის, მარშალ უსტინოვის ერთგული კაციაო. ერთი რამ უდავოა: ვასილი კუზნეცოვი პირწავარდნილი რუსი ნაციონალისტია.

ოთარ იოსელიანის ფილმი „პასტორალი“

ფრანგი ჟურნალისტი მიშელ სიმონი ერთი საუკეთესო მკოდნეთაგანია მსოფლიო კინო ხელოვნების. მან ხანგრძლივად იმოგზაურა საბჭოთა კავშირში და შეისწავლა, როგორც რუსული, ისე ეროვნულ უმცირესობათა კინო წარმოებები. ის განსაკუთრებით დაინტერესდა შუა აზიის და საქართველოს კინოებით. თავის კორესპონდენციაში მ. სიმონი დიდხანს ჩერდება და განსაკუთრებით კარგად ახასიათებს ქართულ კინო ხელოვნებას. მან ის განიცადა, როგორც უაღრესად ორიგინალური და თვითმყოფადი ხელოვნება. მას, ამავე დროს, არ გამოპარვია, რომ ქართულ კინოს შემოქმედთ დიდი ბრძოლის წარმოება უხდებოთ იმისათვის, რომ შეძლონ ამ თვითმყოფადობის შენარჩუნება. მ. სიმონის მიხედვით, ოთარ იოსელიანის ფილმი „პასტორალი“ მსოფლიო კინო ხელოვნების შედევრია. ის აკრძალულია საბჭოთა კავშირის ტერიტორიაზე და არც მისი ჩვენების ნებას აძლევენ მსოფლიო კინო ფესტივალებზე. („ექსპრეს-სი“ № 1368. 19-25 სექტ. 1977)

ტენჯ ჰსიაო პინგის განცხადება

კომუნისტური ჩინეთის იერარქიით მეორე პირმა, ტენჯ ჰსიაო პინგმა ფრანგული პრესის სააგენტოს უფროსს, კლოდ რუსელს, სხვათა შორის, განუცხადა: „უნდა დაიმსხვრეს საბჭოთა კავშირის საომარი გეგმები. ყველა ქვეყნები უნდა შეთანხმდნენ, მათ შორის ამერიკის შ. შ.ბიც, მათ წინააღმდეგ. ამ საქმეში განსაკუთრებული როლი აკისრია დასავლეთ ევროპის გაერთიანებას.“.. „ევროკომუნისმის გამარჯვება სასურველი არ არის, რადგანაც ის გამოიწვევს ევროპის წინააღმდეგობის შესუსტებას.“.. „მსოფლიო დეტანტი მანვა, რადგანაც ის ემსახურება საბჭოების საქმეს.“.. „დამლუპველია ამერიკის და ევროპის მიერ საბჭოთა კავშირის მომარაგება ხორბლით და სხვა საკვები პროდუქტებით.“



**ოქტომბერი.** კიდევ სამი დისიდენტი გადმოსახლეს საბჭ. კავშირიდან. მათ შორის **ტატიანა ხოდოროვიჩი, მარკ პოპოვსკი, დინა კამინსკა** — უკანასკნელი არის ადვოკატი, ხშირად იცავდა პოლიტიკურ პატიმრებს. ამ სამი გადმოსახლებულიდან არცერთი არ არის ებრაელი, მაგრამ სამივეს ისრაელის ვიზა აქვს.

--- --- --- ---  
**„კონტინენტის“ საერთაშორისო კონფერენცია**

ნოემბრის დამდეგს, ბერლინის დასავლეთ ზონაში გაიმართა „კონტინენტის“ პირველი საერთაშორისო კონფერენცია. კონფერენციამ მიმართა ამერიკის პრეზიდენტს რათა კვლავაც გააგრძელოს მის მიერ დაწყებული პოლიტიკა მსოფლიოში ადამიანის უფლებების დაცვისა.

--- --- --- ---  
**კერძო საკუთრების რეაბილიტაცია**

აღმოსავლეთ ევროპის კომუნისტური ქვეყნები სულ უფრო და უფრო თავს არიდებენ საბჭოთა კავშირის ეკონომიურ მოდელს. თუმცა ამაზე იქ ბევრს არ ლაპარაკობენ, მაგრამ ცხოვრებაში სულ უფრო მნიშვნელოვან როლს თამაშობს კერძო საკუთრება და კერძო ინიციატივა. ერთი სიტყვით, **მოგება**. ამ მხრით, პოლონეთი სამაგალითოდ გამოდგება. გასულ წლის ბოლოს მისმა მთავრობამ კერძო პირებს ხელსაყრელ ფასებში დაუთმო პატარა ფართობის მქონე სავაჭრო მაღაზიები და გლეხებს კერძო საკუთრებაში გადასცა სახელმწიფოს ხელში მყოფი დასამუშავებელი მიწები.

--- --- --- ---  
**აღ. გალიჩის ტრაგიკული გარდაცვალება**

პარიზში, თავის ბინაში მკვდარი იპოვეს გამოჩენილი რუსი დისიდენტი პოეტი ალექსანდრე გალიჩი. ფიქრობენ რომ მას ელექტროკუცია მოუვიდა ტელევიზორის ჩართვის დროს. ალ. გალიჩი იყო სახელგანთქმული სენეარისტი და კინორეჟისორი. მისი სახელი განსაკუთრებით პოპულარული გახდა მისი ლექსებით და გიტარაზე დამღერებით. საბჭოების სხვა ოფიციალურ პოეტების განსხვავებით, ალ. გალიჩი უმღეროდა სახელმწიფოს მიერ დაჩაგრულებს, დასჯილებს და დევნილებს. მისი სიმღერა რისხვად გაისმოდა ხელისუფალთა წინააღმდეგ, ამიტომაც მისი რესიტალები აკრძალეს, მაგრამ მისი სიმღერების ფირფიტები მრავლად ფარულად ვრცელდებოდა. მას შემდეგ, რაც მწერალთა კავშირიდან გამოირიხეს და ყოველგვარი სახსარი მოუსპეს ცხოვრებისათვის, ალ. გალიჩი იძულებული იყო გამოიხსნულიყო. **1973** წელში მან თავი შეაფარა ნორვეგიაში. შემდეგ გადავიდა მიუნხენში, ხოლო **1976** წელში ის პარიზში დასახლდა. უკანასკნელ წლებში განსვენებული თანამშრომლობდა რადიო „თავისუფლებაში“, სადაც ის ხელმძღვანელობდა რუსულ ლიტერატურის განყოფილებას.

**22** დეკემბერს, რიუ-დარიუს კათედრალში გადახდილ წირვის შემდეგ, ალექსანდრე გალიჩის ცხედარი მიაბარეს ქ. სენ-ჟენევიევე-დე-ბუაში, რუსების საკრძალოში.

ალ. გალიჩს მწუხარებით დაიტირებს, არა მარტო რუსი, არამედ ყველა სხვაც, ვინც თავისუფლებისათვის იბრძვის.

--- --- --- ---  
**გრიგოლ გოლდშტეინის საქმე**

ა.წ. **17** იანვარს, თბილისში დააპატიმრეს და **20** მარტს კიდევაც გაასამართლეს გრიგოლ გოლდშტეინი. მას ბრალდებად წაუყენეს **პარაზიტობა** და საბჭოთა სამართალმა ერთი წლით პატიმრობა მიუსაჯა.

გრ. გოლდშტეინი **42** წლისაა. ის მსახურობდა მეტეოროლოგიური კვლევისა და სამეცნიერო საკავშირო ინსტიტუტის თბილისის ფილიალში, ლაბორატორიის განყოფილების უფროსად. გამოქვეყნებული აქვს ათზე მეტი მეცნიერული ნაშრომი და ავტორია ექვსი გამოგონების.

**1971** წელში, გრ. გოლდშტეინმა და მისმა ქმამ ისაიმ ითხოვეს ვიზა ისრაელში წასასვლელად. სახელმწიფო უშიშროების კომიტეტში მათ აუხსნეს, რომ მხოლოდ ხუთი წლის შემდეგ სამსახურის თავის დანებებისა მათ მისცემდნენ საბჭ. კავშირიდან წასვლის უფლებას. **1972** წელში უარი გაანცხადეს საბჭოთა მოქალაქეობაზე და იმავე წელში მიიღეს ისრაელის მოქალაქეობა. მიუხედავად ხუთი წლის გასვლისა მათ უარს ეუბნებიან ისრაელში გამგზავრებაზე. გრ. გოლდშტეინი აქტიური წევრი იყო ჰელსინკის აქტის დაცვის

*Djoadze's  
Library*





**ვიქტორ რცხილაძის დაპატიმრება**

ჩვენმა მკითხველებმა იციან, რომ გასულ წელს, ზ. გამსახურდიასთან და მ. კოსტავასთან ერთად ვიქტორ რცხილაძეც დააპატიმრეს, მაგრამ 24 საათში გაანთავისუფლეს ვითომც კული ჯანმრთელობის მიზეზით. მიმდინარე წლის 25 იანვარს ის ხელახლად დაუპატიმრებიათ. ვ. რცხილაძე იყო საქ. რესპუბლიკის ისტორიულ ძეგლთა დაცვის სამართავლოს ინსპექტორი. ამ თანამდებობიდან ის ორი წლის წინად მოხსნეს, რადგანაც მან ვაბედა და გააკრიტიკა მთავრობის დანაშაულებრივი უმოქმედობა, ამ ჩვენი კულტურული წარსულის უტყუარი მემკვიდრეების - ისტორიული ძეგლების მოვლის საქმეში.. ვ. რცხილაძეს ღიდი როლი მიუძღვის სამშობლოდან გადასახლებულ მესხების უკან დაბრუნების ამბებში და „საქართველოს მოამბეში“ ვრცლად და დასაბუთებულად აღწერა 300 ათასი მესხის ტრაგედია. დაბოლოს, ის აქტიური წევრი იყო აღამიანის უფლებების დაცვის საქართველოს კომიტეტის და გაუგებარა რად დააშორა, სახ. უშიშროების კომიტეტმა, მისი საქმე გამსახურდია-კოსტავას საქმეს.

--- --- --- --- ---

**ავთანდილ იმნაძის დაპატიმრება**

28 აპრილს, მოსკოვიდან მიღებული ცნობების მიხედვით, თბილისში დაუპატიმრებიათ კინორეჟისორი ავთანდილ იმნაძე. მას უნდა ბრალდებოდეს 14 აპრილს, თბილისში ქართული ენის დაცვის მიზნით, გამართულ დემონსტრაციაში აქტიური მონაწილეობის მიღება.

--- --- --- --- ---

**თავისუფალი პროფკავშირები**

საბჭ. სახ. უშიშროების ორგანოებს ამ უკანასკნელ ხანში ახალი საზრუნავი გამოუჩნდა. მუშები და ხშირად უმუშევრებიც დაჟინებით მოითხოვენ მთავრობისაგან დამოუკიდებელ პროფკავშირების დაარსების უფლებას. პოლიციას მათ წინააღმდეგ სხვა იარაღი არ გააჩნია, გარდა ციხისა, შრომის ბანაკებისა და სპეციალური საციუთებისა.

ვალენტინ პოპლავსკი ერთი აქტიური მებრძოლთაგანია ასეთი პროფკავშირების უფლებების. ამის გამო მას არაერთი უსიამოვნება შეეშთხვა. ამას წინათ სარაიონო სასამართლომ მას ერთი წლის პატიმრობა მიუსჯა. 18 მაისს საკასაციო სასამართლომ იგივე სასჯელი დაუტოვა.

--- --- --- --- ---

**ხაჩატურიანის გარდაცვალება**

პირველ მაისს, ხანგრძლივი ავადმყოფობის შემდეგ, 73 წლის ასაკში, გარდაიცვალა მსოფლიოში ცნობილი კომპოზიტორი არამ ხაჩატურიანი. ის დიბადა თბილისელი სომხის ოჯახში და თბილისშივე გაატარა თავისი ახალგაზრდობა. ამიტომ გასაკვირი არ არის, რომ მისი კომპოზიციები ასე დავალებული არიან ქართული ხალხური მუსიკით.

--- --- --- --- ---

**იური ორლოვის გასამართლება**

15-დან 18 მაისამდე, მოსკოვში ვათამაშდა აკადემიკოს იური ორლოვის პროცესი, რომელიც იყო ჰელსინკის აქტის დაცვის მოსკოვის კომიტეტის თავმჯდომარე. სასამართლო ვითომც საჯარო იყო, მაგრამ დარბაზში შესვლა ვერასოდეს ვერ შეძლეს ვერც ბრალდებულის მეგობრებმა და ვერც დასავლეთის სააგენტოების კორესპონდენტებმა. დარბაზი სავსე იყო გადაცემული პოლიციელებით, რომლებიც ლაპარაკს არ აცლიდნენ და შეურაცხყოფას აყენებდნენ ბრალდებულს. იური ორლოვმა თავი არ ცნო დანაშაულს. მან განაცხადა, რომ მისი მოქმედება იყო სრულიად ლეგალური, საბჭოთა კანონმდებლობის ფარგლებში. მოსკოვის საბჭოთა „სასამართლომ“ ორლოვს მიუსჯა შვიდი წლით მკაცრი პატიმრობა და შემდეგ ხუთი წლით გადასახლება.

თავისუფალი მსოფლიო პროტესტებით შეხვდა ამ უსამართლობას. ამერიკის შ.შ. ინგლისის, დნსავლეთ გერმანიის, პოლანდიის, კანადის და სხვა დემოკრატიული ქვეყნების მთავრობებმა, პარტიებმა და გამორჩენილმა საზოგადო და სამეცნიერო პირებმა დაგმეს და საპროტესტო განცხადებები გააკეთეს. თვით ევროპის კომუნისტურმა პარტიებმაც ყოველგვარი შერყეობის გარეშე გადაჭრით დაგმეს ორლოვის მკაცრი დასჯა და აღნიშნეს, რომ ასეთი პროცესი ენებს სოციალიზმის საქმესო.

საფრანგეთის მთავრობამ, რომელიც საზოგადოდ დიდ თავდაპერილობას იჩენს საბჭო. მთავრობის მიმართ, მისი საგარეო სამინისტროს მეშვეობით შემდეგი განცხადება გააკეთა: „საფრანგეთის მთავრობა, რომ პასუხისმგებელია მიცემა და დასჯა პიროვნებების, რომლებიც აკრძალა ჯგუფის იმისთვის, რომ ისინი მოითხოვენ ჰელსინკში ხელმოწერილ აქტის ცხოვრებაში გატარებას თავიანთ ქვეყნებში, არის შეუთავსებელი, როგორც თვით ჰელსინკის საბოლოო აქტის, ისე საფრანგეთ-საბჭოთა კავშირის ერთობლივი დეკლარაციისა, რომელიც ხელმოწერილიქნა ქ. რამბუიეში 1977 წლის 22 ივნისს და ასევე საერთაშორისო დეტანტის განწყობილების.“

ამ დღეებში, ღია წერილი გაუგზავნა ევროპის ატომბირთვის დაწესებულების ხუთსამა ინჟინერმა და ფიზიკოსმა მის დირექტორს ნათქვამია: „ყოველი ღონისძიება უნდა იქნეს მიღებული იური ორლოვის განთავისუფლების მისაღწევად, ამ ღონისძიებათა შორის უნდა მიღებულიქნას შენელება ან სულ შეწყვეტა საბჭოთა კავშირთან თანამშრომლობისა.“ წერილში აგრეთვე ნათქვამია, რომ დირექციამ იური ორლოვს შეთავაზოს ევროპის ორგანიზმში თანამშრომლობა და ამისათვის მას შეუქმნას სათანადო მდგომარეობა.

თავის მხრით, საფრანგეთის ფიზიკოსთა საზოგადოების თავმჯდომარემ, პროფესორმა ბერნარ დრეიფუსმა სასტიკად დავაო ის მიიმე სასჯელი, რომელიც იური ორლოვს დააკისრეს, სამწუხაროდ მიაჩნია, რომ საბჭოთა კავშირის მეცნიერებათა აკადემიამ საპროტესტო ხმა არ აღიმართა ამის გამო და თავის 23 მაისის წერილში ის წერს აკადემიის პრეზიდენტს, რომ: „საფრანგეთის საზოგადოებას არ შეუძლია ანგარიში არ გაუწიოს მომავალში ამ ფაქტს და გავლენა არ მოახდინოს საბჭოთა ოფიციალურ ორგანიზმებთან, და განსაკუთრებით თქვენი აკადემიის მიმართ მის განწყობილებაზე“

სწორედ ამ დღეებში საფრანგეთის ტელეხედავაში უჩვენეს დრეიფუსის საქმე და ადგილი ჰქონდა სჯა-ბაასს საფრანგეთის ამ მტკივნეულ საკითხის შესახებ. ამ განწყობილებაშიც, საჯარო განცხადება გააკეთა საფრანგეთის კომპარტიის გამორჩეული თეორეტიკოსი, ფილოსოფოსმა უან ელიენშტაინმა: „ამჟამად ათასობით დრეიფუსები იმყოფებიან საბჭოთა კავშირში. ორლოვის პროცესი ერთი მათგანია, რომელიც განსაკუთრებით უნდა დაიგმოს.“

§§§            §§§            §§§            §§§            §§§

### ზ. გამსახურდიას და მ. კოსტავას „გასამართლება“

ჩვენი ვარაუდი გამართლდა, როცა გასულ მარტში ამის წინა ნომერში ვწერდით, რომ ზვიად გამსახურდიას და მერაბ კოსტავას აღბათ მალე გაასამართლებენ თქვა. 13 თვის სრულ იზოლაციაში ყოფნისა და მოსკოვის სერბსკის ფსიქიატრიულ ინსტიტუტში პატიმრობის შემდეგ, სახელმწიფო უშიშროების კომიტეტმა პროცესი გაუმართა და შემთხვევითი როლი ყოფილა თუ ერთდამთავრდნენ დროს გათამაშდა მოსკოვში იური ორლოვის და თბილისში გამსახურდია-კოსტავას პროცესები.

მოსკოვში ბრალდებულის ცოლსა და შვილს მინც მიცეს ნება სასამართლოს დარბაზში შესვლის და მათი საშუალებით მთელი სამყარო, ცოტად თუ მეტად, კურსში იყოს რაც იქ ხდებოდა, მაშინ როდესაც თბილისის პროცესი სრულ იზოლაციაში იყო. პროცესის მიმდინარეობის დღეებში, ტელეფონით დალაპარაკებაც კი არ შეიძლებოდა მოსკოვიდან თბილისში. ამის გამო მთელი გარე სამყარო, მათ შორის ჩვენიც, იძულებული იყო მხოლოდ საბჭოების ოფიციალურ სააგენტოს კომუნიკეთი დაკმაყოფილებულიყო. სიტყვა-სიტყვით იქ ნათქვამია: „თბილისის საქალაქო სასამართლოს სისხლის სამართლის საქმეთა სასამართლოს კოლეგიამ ა. კობახიძის თავმჯდომარეობით დაამთავრა ზ. გამსახურდიას და მ. კოსტავას სისხლის სამართლის საქმის განხილვა, რომელიც საქ. სსრ მინისტრთა საბჭოსთან არსებულმა სახელმწიფო უშიშროების კომიტეტმა გამოიძია, რომელთაც ბრალად ედებთ სახელმწიფო დანაშაულის ჩადენა. სახელმწიფო ბრალდებას მხარი დაუჭირა საქ. სსრ პროკურორის თანაშემწემ, იუსტიციის მრჩეველმა გ. უფულავამ. განსაჯებებს იცადენენ ადვოკატები მ. ალხაზიშვილი და ო. ნიკოლაიშვილი. სასამართლო ვარჩევს დროს, რომელიც ხუთ დღეს გრძელდებოდა, სასამართლომ დაადგინა, რომ ზ. გამსახურდია და მ. კოსტავა მთელი რიგი წლების მანძილზე ეწეოდნენ ანტისაბჭოთა აგიტაციის და პროპაგანდის, ავრცელებდნენ ცილისმწამებლურ მონაქორს, რითაც ჩირქს სცხებდნენ საბჭოთა სახელმწიფო და საზოგადოებრივ წყობილებას, ავრცელებდნენ ამზადებდნენ, ინახავდნენ და ავრცელებდნენ ამ მიზნით ცილისმწამებლური, ანტისაბჭო-



ური შინაარსის ლიტერატურას.

განსასჯელმა ზ. გამსახურდიამ სასამართლოსათვის მიცემულ ჩვენებებში აღნიშნა, რომ დანაშაულებრივი მოქმედება ჩაიდინა, თქვა, რომ იგი შეაცდინეს ამერიკელმა დიპლომატმა ბელოუსოვიჩმა და შეერთებულ შტატების ჟურნალისტებმა შიპლერმა და ფრენდლიმ.

ამ დანაშაულებრივი მოქმედების ჩადენა, რაც გათვალისწინებულია საქ. სსრ სისხლის სამართლის კოდექსის 71-ე მუხლის პირველი ნაწილით, დამტკიცდა განსასჯელთა და მოწმეთა ჩვენებებით, საქმისათვის დართული ნივთიერი მტკიცებულებებით, ექსპერტიზის მონაცემებით.

სასამართლოს მიერ გამოტანილ განაჩენში აღნიშნულია, რომ ჩადენილი დანაშაულობებისათვის განსასჯელნი იმსახურებდნენ რესპუბლიკის სისხლის სამართლის კოდექსით გათვალისწინებულ მკაცრ სასჯელს, მაგრამ სასამართლომ გაითვალისწინა განსასჯელ გამსახურდიას გულწრფელი აღიარება და სრული მონანიება, აგრეთვე მ. კოსტავას აღიარება და შესაძლებლად ცნო აკმაროს ორივე განსასჯელს თავისუფლების აღკვეთა სამ წლამდე ვადით და შემდგომი გადასახლება ორი წლით. (საქინფორი).“

მკითხველი შეამჩნევს, რომ „საქინფორმის“ კომუნეკე განსაკუთრებით ხაზს უსვამს ზ. გამსახურდიას „უფლწრფელ აღიარებას და სრულ მონანიებას“. ამ საკითხში განსაკუთრებით დიდი განსხვავებაა აკადემიკოს ან. სახაროვის წრიდან მოსულ ცნობაში, რომლის მიხედვით ზ. გამსახურდიას თავი უცვნია დამნაშავედ, წაყენებულ ბრალდებათა, მხოლოდ ორ საკითხში: რუსების ემიგრანტული პოლიტიკური ორგანიზაცია სოლიდარისტების პროკლამაციის და ერთი ნაციონალისტი ქართველი გენერლის ნეკროლოგის დაბეჭდვის გამო, მის კრებულ „საქართველოს მოამბე“-ში(ეს ნაციონალისტი გენერალი უნდა იყოს ბოლკოვნიკი შავაგა მალდგორდიე, რომლის ნეკროლოგიცაა „საქ. მოამბე“ №2-ში). აღიარა რა თავი დამნაშავედ ამ ორ საკითხში, დაუძენია, რომ: „თუმცა საბჭოთა კავშირის კანონების მიხედვით ასეთი საქმიანობა დანაშაულად ითვლება, მე საერთოდ არ მიმაჩნია თავი დამნაშავედ“.

ამ ორი ცნობის გარდა, სხვა რამე მნიშვნელოვანი და საყურადღებო არაფერი გაგვაჩნია, თუმცა 24 მაისის ვაზუთ „კომუნისტში“ და მაისის თვის ჟურნალ „სამშობლოში“ ამ საქმეს მიძღვნილია საკმაოდ მოზრდილი სტატიები. მაგრამ, ოფიციალურ სააგენტოსაგან განსხვავებულ მათში თითქმის არაფერია, გარდა ტყუილბრალთა მრავალსტეკვაობისა.


არ შეიძლება არ ითქვას, რომ, როგორც გამსახურდია-კოსტავასი, ისე ყველა სხვა პროცესები, რომლებიც ამ უკანასკნელ ორ წელიწადში ჩატარდნენ, როგორც საქართველოში, ისე თვით რუსეთში, უდავოდ მოწმობენ, რომ ბრეჟნევის საბჭოთა რეჟიმი, ამ საკითხშიც, პირწავარდნილი სისხლიანი მემკვიდრეა სტალინის, იმ განსხვავებით, რომ მოწაფე მასწავლებლის ხელოვნებად ვერ ამაღლებულა.

ჩვენ გვარწმუნებენ გამსახურდიამ და კოსტავამ თავი დამნაშავედ ცენეს და კიდევაც მონანიესო. მით უარესი საბჭოთა სამართლისათვის! ის რაც მათ გააკეთეს იმისათვის არც ერთ დემოკრატიულ ქვეყანაში არ შეიძლებოდა მათი პასუხისმგებლობა მიცემა.

ზვიად გამსახურდიამ და მერაბ კოსტავამ, თქმა არ უნდა, დიდი და მძიმე ფიზიკური და მორალური წამება გადაიტანეს. და ჩვენ ეს კიდევ უფრო მეტად გვაგვლებს, მათ კეთილისმუსრველებს, მთლიანად შეუნახოთ, არ მოვაკლოთ ჩვენი ნდობა და თანაგრძნობა.

არიან ვაი ქართველები, რომლებსაც ჰგონიათ, რომ ზ. გამსახურდიას და მ. კოსტავას სივალხე ჩადენილი, რომ ზ. გამსახურდიას მისი სახელოვანი მამა შეერცხინოს. მე მათ ვეტყვი: თქვენ ცდებით სასტიკად! ზ. გამსახურდიამ რაც გააკეთა მისი სათავეები კონსტანტინე გამსახურდიას სიცოცხლეში არიან უსათოდ. არ შეგცდები თუ ვივარაუდებ, რომ ზვიადს ჰქონდა მსცოვანი მამის ლოცვა-კურთხევა. ზ. გამსახურდიამ შეგნებულად პირადი მსხვერპლი გაიღო, მსხვერპლი პირად ინტერესს მოკლებული უაღრესად კეთილშობილური. რითაც ის მის სახელოვან მამაზე უფრო მეტად ამაღლდა. მან კი არ შეარცხვინა სახელგანთქმული მწერალი, არამედ მას კიდევ უფრო მეტი დიდების შარავანდელი დაადგა თავზე.

რაც შეეხება მათ მიერ „დანაშაულის აღიარებას და მონანიებას“, ჩვენ უფლებია არ გვაქვს მათი ამ საკითხში განსჯის. ჩვენ არ ვიცით რა პირობებში გაატარეს მათ გამოძიების ცამეტი თვე, თუმცა წარმოგვიდგენია კი, მაგრამ ის კი ვიცით, რომ ადამიანის გაძილებას საზღვარი აქვს, და თვით მაცხოვარმა, იესო ქრისტემ ჯვარზე გაკრულმა, სულს



განტყეების წინ, ფიზიკური ტყვიულებისაგან სასოწარკვეთილმა, გმო მამა-ღმერთი და წამო-  
იძახა: „ეიო, ელი! საბაქთანე?“ (ღმერთო, ღმერთო! რად მიმატოვე?) (მათეს სახარება).

გენერალ გრიგორენკოს განცხადება

ფრანგულ ვაზეთ „ფიგაროში“ 19 მაისის თარიღით დაბეჭდა გენერალ პოიტრ გრიგორენკოს ინტერვიუ ზ.გამსახურდიაზე, მ. კოსტავაზე და მათ „გასამართლებაზე“. ჩვენ მიგვაჩინა, რომ მისი ცოდნა ყველა ქართველისათვის საჭიროა, ამიტომ ის ვთარგმნეთ სიტყვა-სიტყვით:

„15 მაისს 1978 წელს, საქართველოს დედაქალაქ თბილისში დაიწყო ერთი სა-სამართლო პროცესი, სადაც ბრალდებულებად არიან ზ. გამსახურდია და მ. კოსტავა, რომ-ლებიც იყვნენ წევრები ჰელსინკის შეთანხმების ცხოვრებაში გატარების მეთვალყურე ქარ-თული ჯგუფის. მათ ამდრმა მთელი საქართველოა საბრალდებო საკამზე.

კიდევ ერთი შავი ღამე ჩამოწვა საქართველოს ცაზე, რომელიც უკვე დიდი ხანია რაც იტანჯება. ქართული კულტურა და მდიდარი ქართული ენა - ენა შოთა რუსთველის და კონსტანტინე გამსახურდიას, განთქმული ქართველი მწერლის, რომელიც ერთერთი ბრალ-დებულის მამა იყო - დღენას განიცდიან.

კ.გ.ბ.-ს და მ.ვ.დ.-ს საპატიმროებში ადამიანებს საშინლად აწამებენ, რაც ქვეყა-ნაზე არავინ არ იცის. ეს სრული სიჩუმე დარღვეულ იქნა ქართველი ხალხის საპროტესტო ძახლით, რომ დაიკვან მათი ენა და მათი კულტურა: ასეთი იყო ხმები ზ. გამსახურდიასი და მისი ორი თანამოსაქმის, მ. კოსტავასი და ვ. რცხილადის. მათი ხმა გაისმოდა დაახლო-ებით ერთი წლის განმავლობაში, შემდეგ პატიმრობამ ისინი ჩააჩუმა, 1977 წლის 17 აპრი-ლიდან. ამ ცემეტი თვის განმავლობაში რა უქნეს მათ კ.გ.ბ.-ს ციხეებში, სერბსკის ფსიქია-ტრულ ინსტიტუტში? ვინ შესახებ არავინ არაფერი არ იცის. ჩვენ ვიცით მხოლოდ, რომ მათ ოჯახებმა განიცადეს მკაცრი მუქარა და დაწოლა კ.გ.ბ.-გან. გამსახურდიას ცოლი და მცირეწლოვანი ბიჭი მოკლედული იყვნენ ყოველ მატერიალურ საშუალებებს, მათი ბინა იქნა დარბეული, ხელნაწერები და დოკუმენტები ჩამორთმეული სასამართლოს დადგენილების გარე-შე. ეხლა „პროცესი“ დაიწყო, ვინ არიან მოსამართლეები? რა ბრალდებებს უყენებენ მათ? რა კანონის ძალით ასამართლებენ მათ?

რაც არ უნდა იყოს განაჩენი და გინდ ბრალდებულებმა კიდევაც „აღიარონ თავიან-თი დანაშაულებანი“, ჩვენ გამსახურდიას და კოსტავას შეგობრებმა ვიცით, რომ ისინი უდა-ნაშაულო არიან და დადგება დრო, როცა ქართველი ერი მათ ეროვნულ გმირებად იცნობს, ხოლო მათ ვინც ასამართლებს, იმათ კი დაგმობს.

მთელმა მსოფლიომ უნდა აიმაღლოს ხმა, რათა დაგმოს ეს უმართებულო გასამარ-თლება, ადამიანის უფლებათა დამცველებისა საქართველოში. უნდა მოთხოვნილი იქნას ზ. გამსახურდიას და მ. კოსტავას დაუყოვნებლად განთავისუფლება.

თ.ტ.-ის რედაქციისაგან: გენერლად ყოფილი პეტრე გრიგორენკო სამოცდა-ათი წლისაა. ის ბრენენეის თანამებრძოლი იყო რუსების სამამულო ომის დროს, უკრაინის ფრონტზე. 1960 წლიდან, გრიგორენკო აშკარა ოპოზიციაშია საბჭოთა მთავრობის პოლიტი-კის. მან ვანსაკუთრებით თავი გამოიჩინა ყირიმელი თათრების სამშობლოში დაბრუნებისათ-ვის წარმობეულ ბრძოლთ. ამის გამო ის გიჟად გამოაცხადეს და მოათავსეს ყველაზე ავად ხსენებულ ფსიქიატრულ ციხეში, სადაც გაატარა 1974 წლამდე, რიჩარდ ნიქსონის ვიზიტად ჩასვლის წინა დღით განთავისუფლეს.

გრიგორენკო დაუყოვნებლივ ჩაება აქტიურ კონტესტატორულ საქმიანობაში, ხშირად პრეს-კონფერენციებს უყეთებდა მოსკოვში მყოფ დასავლეთის ჟურნალისტებს და ან. სახაროვთან ერთად ითვლება რუს ოპოზიციონერთა ყველაზე თვალსაჩინო წარმომადგენლად.

გასულ წლის ნოემბერში თვით გენერალი, ცოლი ზინაიდა და შვილი ოლეგი სამკურნალო ვიზით გაუშვეს ამარიკის შ. შ.-ში. რამდენიმე დღის შემდეგ ის მოღალატედ გამოაცხადეს საბჭოთა პრესაში, ხოლო ა.წ. მარტში ჩამოართვეს საბჭოთა მოქალაქეობა.

მიხეილ ქავთარაძე თავის ასულ ასინეთან და სიძე დავითთან ერთად, უღრმეს მადლობას მოახსენებს ყველას, ვინც პირადად ან წერილობით, ჩვენი მწუხარება გაიზარა, სალომე მეედერ-ქავთარაძის გარდაცვალების გამო.

## საქართველოს შემდეგ აფხაზეთი



ასეთი სათაურით, დასავლეთის პრესამ შეატყობინა თავის მეთოხვედებს, აფხაზეთში ახალ კონსტიტუციის მიღებასთან დაკავშირებული ნაციონალისტური მანიფესტაციები.

მაშინ, როცა საბჭოების საინფორმაციო საშუალებებმა სიტყვა არ თქვეს თბილისში ჩატარებულ პარტიულ დემონსტრაციებზე, პირიქით, აფხაზეთის ამბებს არაჩვეულებრივი ბდი ხვდით: კრემლმა ჯერ სპეციალურად ადგილზე მოავლინა კაც კომიტეტის მდივანი ი. ვ. კაპიტონოვი და შემდეგ საკავშირო ცენტრალური კომიტეტის განყოფილების გამგეები ე. ე. ბროვიკოვი, ა. ს. სნეიკოვი, ვ. ვ. ვასილენკო და სხვა. საბჭოთა კავშირის კომპარტიის ცენტრალურმა კომიტეტმა და მინისტრთა საბჭომ ერთობლივი სპეციალური დადგენილებები მიიღეს აფხაზეთის შესახებ, რაც სწორედ აფხაზეთის ახალი კონსტიტუციის მიღების დღეს გამოცხადდა, და ყველაფერი ეს მოხდა, საბჭოებისათვის უჩვეულო პირობებში, საჯაროდ, დიდი გახმაურების პირობებში.

საქმე იმაშია, რომ აფხაზეთში მომხდარი მანიფესტაციები რუსული იმპერიალიზმის წინააღმდეგ კი არ იყვნენ მიმართული, არამედ საქართველოს, ქართველების წინააღმდეგ. ეკონომიკური, კულტურული და სხვა საყოფაცხოვრებო მოთხოვნილებების გვერდით, აფხაზი მანიფესტანტები, მოითხოვდნენ ქართული ენის, როგორც ოფიციალური ენის ამოღებას ახალ კონსტიტუციიდან, და, რომ ამავე კონსტიტუციის მიხედვით აფხაზეთს მიეცემა უფლება საქართველოს რესპუბლიკის შემადგენლობიდან გამოსვლის და რუსეთის ფედერაციულ რესპუბლიკაში შესვლის.

„ნაციონალისტ“ აფხაზების მიხედვით, ქართველები აფხაზებს საშუალებას არ აძლევენ თავიანთი ეროვნული ენის და კულტურის განვითარებისას, უმახინჯებენ ისტორიას და სხვა.

კრემლის წარმომადგენელმა ი. ვ. კაპიტონოვმა, აფხაზეთის დედაქალაქში შეკრებულ პარტიულ აქტივის კრებას განუცხადა, საბჭოური რიტუალური შესავლის, საბჭ. კავშირის დიდი და ყოველმხრივი წარმატებების შესახებ, რომელშიაც მნიშვნელოვანი წვლილი შეაქვს აფხაზეთის მშრომელებს, შემდეგ :

„ამხანაგებო! უკანასკნელ ხანს სსრ ცენტრალურ კომიტეტში, სსრ კავშირის უმაღლეს საბჭოს პრეზიდიუმსა და სხვა საკავშირო ორგანოებში აფხაზეთიდან ბევრი წერილი, განცხადება, დეპეშა მოდის - როგორც ინდივიდუალური, ისე კოლექტიური. მათში წამოჭრილია მთელი რიგი საკითხები, გამოთქმულია კრიტიკული შენიშვნები როგორც აფხაზეთის, ისე საქართველოს სს რესპუბლიკის პარტიული და საბჭოთა ორგანოების მისამართით, გამოთქმულია სხვადასხვა წინადადება და სურვილები. მათ შორის მთავარია აფხაზეთში ერთაშორისი ურთიერთობის საკითხი. კერძოდ ნათქვამია, რომ ზოგიერთი ავტორი მცდარად აშუქებს აფხაზი ხალხის ისტორიას; რომ ბოლომდე არ არის გადაწყვეტილი აფხაზური გეოგრაფიული სახელების აღდგენის საკითხი; რომ სათანადო ყურადღება არ ექცევა აფხაზური ეროვნული კულტურისა და ენის განვითარებას; აღნიშნულია აგრეთვე აფხაზი ეროვნების კადრების მომზადებაში არსებული ნაკლოვანებები და ა.შ. წამოჭრილია ეკონომიური ხასიათის ზოგიერთი საკითხი. პარტიის ცენტრალური კომიტეტი ყურადღებით ეყრდნობა ყველა ამ სიგნალს და მიაჩნია, რომ აღნიშნულიდან ზოგიერთ საკითხს დაუბრუნებას გარკვეული საფუძველი აქვს. ამყამად რესპუბლიკის პარტიული და საბჭოთა ორგანოები ამუშავებენ იმ ღონისძიებათა მთელ სისტემას, რომელთა მიზანია აღნიშნულ წერილებსა და ზეპირ განცხადებებში აღნიშნული ნაკლოვანების აღმოფხვრა. თქვენ უკვე იცით, რომ საქ. კ.პ.ც-მა კომიტეტმა მიიღო ვრცელ დადგენილება. ეს, ამხანაგებო ღიღნიშვნელოვანი ღოკუმენტია, რომელშიც გაცემულია პასუხი მრავალ წამოჭრილ საკითხზე და რომელიც განსაზღვრავს მოქმედების მოქცევას საფუძველად პრაგმატის. ამხანაგმა შევარდნაძემ სკკპ ცენტ. კომიტეტის წინაშე დააყენა მთელი რიგი საკითხები, რომლებსაც საარსებოდ დიდი მნიშვნელობა აქვს თქვენი ავტონომიური რესპუბლიკისათვის. იმ ნაწილში, სადაც საჭირო იქნება საკავშირო ორგანოების დახმარება (უნივერსიტეტის, ტელევიზიის და სხვა საკითხები), ასეთ დახმარებას არსებული შესაძლებლობის ფარგლებში, რა თქმა უნდა გავიყვით.

ამ საკითხებთან ერთად წამოჭრილია საკითხი აფხაზეთის ასს რესპუბლიკის საქართველოს შემადგენლობიდან რუსეთის ფედერაციის შემადგენლობაში გადასვლის შესაძლებლო-



ბის შესახებ. შემოაქვთ წინადადება, რომ კონსტიტუციაში ჩაწერილ იქნეს სპეციალური მუხლი ასეთი გადასვლის უფლების თაობაზე. რა შეიძლება ითქვას არსებითად ამ საკითხის შესახებ? ჩვენს ქვეყანაში ოცი ავტონომიური რესპუბლიკაა... " „არსად, არც ერთ რესპუბლიკაში არ წამოუყენებიათ მსგავსი მოთხოვნები ან სხვა ისეთი საკითხები, რომლებიც წინააღმდეგება სსრ კავშირის კონსტიტუციას, მოკავშირე რესპუბლიკების კონსტიტუციებს და ამას მაღალი შეფასება ეძლევა სკპ ცენტრალურ კომიტეტში, სსრ კავშირის უმაღლესი საბჭოს პრეზიდიუმში. ჩვენ გვგვარა, რომ ის ამხანაგები, რომლებიც აყენებენ ან მხარს უჭერენ აფხაზეთის ერთი მოკავშირე რესპუბლიკიდან მეორეში გადასვლის საკითხს, შეიგნებენ თავიანთი პოზიციის არამართალზომიერებას და თავისას არ დაიჩემებენ. საბჭოთა აფხაზეთის მომავალი განვითარება და შემდგომი აყვავება ამაში როლი უნდა ეკციოდ. ეს არავითარ სარგებლობას არ მოუტანს არც აფხაზეტს, არც თქვენი რესპუბლიკაში მცხოვრებ სხვა ეროვნებათა ადამიანებს. უნდა მოგახსენოთ, რომ ეს წინადადება ძალზე ყურადღებით, ყოველმხრივ განიხილეს ცენტრალურ ორგანოებში. გათვალისწინებულ იქნა როგორც აფხაზი ხალხის, ისე საერთო-სახელმწიფოებრივი ინტერესები, მხედველობაში იქნა მიღებული საშინაო პოლიტიკური და საგარეო პოლიტიკური გარემოებანი. ამიტომ მიზანშეწონილად არ იქნა მიჩნეული რაიმე ფორმით გადაწყვეტა ან საკითხისა, რომელიც სსრ კავშირის კონსტიტუციის და საქართველოს სსრ კონსტიტუციის ფარგლებს სცილდება. ყველაფერი, რაც ეხება სსრ კავშირის ეროვნულ-სახელმწიფოებრივ წყობას, ზუსტად და გარკვეულად არის გადაწყვეტილი ახალ საბჭოთა კონსტიტუციაში. და სწორი არ იქნებოდა, ავტონომიური რესპუბლიკების კონსტიტუციებში ყოფილიყო დებულებები, რომლებიც ჩვენი ქვეყნის ძირითად კანონს არ შეესაბამება. და კიდევ ერთი რამ, კონსტიტუციის პროექტის განხილვის დროს ზოგიერთ კრებაზე შემოაქვთ წინადადება ჩამოთვლილი სახელმწიფო ენებიდან ამოღებულ იქნას ქართული ენა. ვანა შეიძლება დავეთანხმოთ ასეთ აზრს? რა თქმა უნდა, არა, ამხანაგებო, რადგან ეს ძირფესვიანად წინააღმდეგება ჩვენი პარტიის ლენინურ ეროვნულ პოლიტიკას“.

ამის შემდეგ, კაპიტონოვი შენიშნავს, რომ აფხაზეტში ცხოვრობს თითქმის სამოცდაათი ეროვნების წარმომადგენელი და აფხაზეტის მომავალი მდგომარეობა მათ შორის მეგობრობის განმტკიცებაში, და არა ურთიერთ მტრობაში. უსიამოვნება და გულგებობა შეიძლება ნათესავეებს, ერთდამიმე ოჯახის წევრებს შორისაც მოხდეს, სიბრძნე იმაშია, რომ მათი გადაწყვეტა ურთიერთ პატივისცემისა და ნდობის გზით ხდებოდესო და სხვა.

ამგვარად, დღის სინათლეზე გამოვიდა, სამიტინგო საქმედ იქცა ეს უღარესად მტკივნეული და სათუთი საკითხი ქართველების და აფხაზების ურთიერთობის. უკვე ნიციტა ხრუშჩოვის ბატონობის დროს ცნობილი იყო აფხაზეტის ერთი ნაწილის უარყოფითი განწყობილება საქართველოს მიმართ. საბჭოთა ტრატალიტარული ბუნება არ უშვებს თავისუფალ საჯარო ახსნა-განმარტებას და მით ზოგიერთი გაუფებრობების გარკვევას და დროულ გამოსწორებას. თავის დროზე მოუვლელ სხეულის ნაწილს კი ხშირად განგრენა ემართება, რის შემდეგაც ერთად ერთი საშუალებად რჩება გახარწნილი ნაწილის მოკვთა.

აფხაზეტში ატეხილი ბრახა-ბრუხი თუ კრემლის ჩაწყობილი არ არის, ის მაინც საეკვო არ არის, რომ მათ ეს განსაკუთრებით ხელს აძლევს ურჩი ქართველების წინააღმდეგ. ამ საქმეზე საბჭოთა საპროპაგანდო მძიმე ალტიტერიის ამუშავება, კიდევ უფრო ადასტურებს ამ ექვებს. რუსებმა მეთოლიურად, ერთი მეორეზე მიყოლებით მოინელეს ყუბანისა და თერგის კავაკები, გადაასახლეს ან ფიზიკურად მოსპეს ჩრდილო კავკასიის პატარა მავრამ ძველთაძევი და მამაიცი ხალხები. ეხლა რიგი ამიერკავკასიაზე და იქ ყველაზე სუსტი ადგილი აფხაზეტია. ეს სამხრეთის რივიერა განსაკუთრებით ხიზლავს რუსების ჩრდილოეთის ყინვებით გათოვილ სულს. აფხაზეტის და ქართველების ისტორიულ ერთობას ჯერ თურქეთმა მიაყენა სასიკვდილო ჭრილობები, შემდეგ, ამ ერთნახევარ საუუუნის განმავლობაში რუსეთის სახელმწიფო ამ ჭრილობებს თავის სასარგებლოდ იყენებს. ქართული ანბანი ხომ გააძკვეს და რუსულთა შეცვალეს. ეხლა დრო მოახლოებულია აფხაზეტთან ქართული ენის გასაძკველად და საქართველოდან აფხაზეტის ფიზიკურად მოსაწყვეტადაც. კაპიტონოვის საჯარო უარს ამ მხრით რუსული ფანდია და ამათ თვალები არ უნდა აუხვიოს არც ქართველებს არც კემ-მარიტ პატრიოტ აფხაზეტს. ის აფხაზეტი, რომლებიც ქართველების წინააღმდეგ რუსეთის ფედერაციაში შესვლას მოითხოვენ, რუსული იმპერიალიზმის ან ნებითი ან უნებლიე აგენტებია.



ქართული მოკლე მოთხრობები.

ასეთი სათაური აქვს პატარა ლამაზ წიგნაკსგერმანულ ენაზე, გამოცემულს „ქართული გამომცემლობა საქართველო“-ს ნიკოლოზ ჯანელიძის სახელით. გამომქვეყნებელი: ლიდა პაპე გეგელაშვილი.

ამგვარად ეს წიგნაკი, სიყვარულით შექმნილი უკანასკნელი ნახელავია, რომლის დატოვებაც ამ სიმამტურმა უღროოდ ჩამქრალმა პატარა, მაგრამ სინათლით და გულწრფელობით სავსელამაპარმა შესძლო, როგორც ლიდა გეგელაშვილი იყო.

შველი, ვაჟას „შვილის ნუკრის ნაამბობია“; მონადირე, ნაწყვეტია ილიას ნაწარმოებიდან; ბუნება, თერთლექსით თარგმნია პატარა ორთავიან შაირისა. ილუსტრაციები და ვეფორმება ეკუთვნის ოპანეს კლოტც-ს და შესრულებულია თბილისური გამოცემების, „ჯანათლება“ და „ლია“-ს შთავონებით. წიგნის ბოლოს მოთავსებულია ილიას და ვაჟას მოკლე დახასიათება, ორიოდე ამონაწერი გერმანულ გაზეთებიდან ლიდა გეგელაშვილის ცხოვრებას რომ შეეხებიან და დედა-შვილის ფოტოსურათი.

ვინც მათი ცხოვრების მწუხარე ისტორიას იცნობს იფიქრებს, რომ ამ თემაზე გულისგამგვირავი რომანი დაიწერებოდა— რომანი სინამდვილიდან, ნათელი დამტკიცება იმისა, რომ მიუხედავად ჩვენი საუკუნის უღმობელ მატერიალიზმისა, კიდევ არსებობენ მძალსულოვანი ადამიანები, რომელთა მიერ განცდილი უღრმესი ტრაგედია, რაღაც აღზევებულს და მტკივნეულ სილამაზეს შეიცავს. მ. ჭავჭავაძე

მწუხარებით ვაუწყებთ

6 აპრილს, თავის ბინაზე ქ. შატლში (პარიზის გარეუბანი), უერად გარდაიცვალა 24 წლის ქაბუცი, ალექსი გიორგის ძე ჩხეიძე. აუარებელმა ქართველმა, ფრანგმა და სხვა მეგობარმა მისი ცხედარი მიაბარა ლევილის სასაფლაოს, მამისა, ლისა და ძმის გვერდით.

ა.წ. 16 აპრილს, ხანგრძლივი ავადმყოფობის შემდეგ, 73 წლის ასაკში, პარიზში გარდაიცვალა ვიქტორ შუბლაძე. 20 აპრილს დასაფლავებულ იქნა ლევილის სასაფლაოზე.

თავისუფლების ტრიბუნა გლოვობს მათ და ღრმა მწუხარების გამომხატველ სამძიმარს უცხადებს მათ უნუგეშო კირისუფლებს.

თავისუფლების ტრიბუნის ფონდი

ლიდაშა და ულრის პაპეს მოსახსენებლად	400 ფრ.	დიმიტრი გოგიშვილი	23,72
ბეგიაშვილი დიმიტრი	50	ქ. გ.	50
ელენე და შალვა ცინცაძე	539,55	შალვა შავლაყაძე	„
ვ. ს.	91,80	დიმიტრი გუნა	45
ბეგელაძე ნიკოლოზი	100	გერასიმე ბოლქვაძე	100
ირინე ბაგრატიონი	100	პარილ მჭედლიშვილი	50
იონა გუნია	50	ვიტალი უგრეხელიძე	16,40
გ. კა	221,43		
		<b>ჯამი</b>	<b>2 087,90 ფრანკი</b>

საქართველოს დამოუკიდებლობის სამოცი წლისთავი პარიზში

პარასკევს ოცდაექვს მაისს, ყოფილმა მებრძოლებმა ცოცხალი ყვავილების გვირგვინით შეაპეეს და წმინდა ცეცხლის ალი აანთეს უცნობი ფრანგი ჯარისკაცის საფლავზე.

სალამოს შვიდ საათზე და ნახევარზე, წმინდა ნინოს ეკლესიაში, დეკანოზმა ილიამ პანაშვიდი გადაიხადა საქ. დამოუკიდებლობისათვის ბრძოლაში დაღუპულ მამულიშვილთა სულის საცხონებლად და წირა დამოუკიდებლობის სადიდებელი პარაკლისი.

მეორე დღეს, შაბათს, სალამოს 9 საათზე, პარიზის მეთოთხმეტე არონდის-მანის მერიის სადგასწაულო დარბაზში, დაიწყო საქართველოს დამოუკიდებლობის სამოცი წლისთავისადმი მიძღვნილი ზეიმი. გუნდმა შეასრულა დიდება და მარსელიოზა, რის შემდეგ, სიტყვები წარმოთქმევს ვიქტორ ნოეს ძე ხომერკიმა და ტარიელ არჩილის ძე ზურაბიშვილმა • სიტყვების შემდეგ გაიმართა ქართული ქეიფი ქართული სიმღერებით და ცეკვებით, რომელ-მაც გვიან ნაშუალამეამდის გასტანა.